



WANTOK

Niuspepa Bilong Yumi Ol PNG Stret!

Namba 1842

Wan Wik, Novemba 26 - Desemba 2 2009

K1 tasol long olgeta hap



Lapun tasol strong yet...



10th Anviseri Saplimen insait!



VISION 2050 Saplimen Insait!

Gavman Mani Plen i no wok: Man long ples Pes 2

Gavman baim balus, na ol manmeri wetim sevis yet - Pes 3

2010 Baset i bilong paulim ol manmeri tasol: Oposisen - Pes 3

DISPELA man em i wanpela Katolik Pater, nem bilong em Bogdan Cofalik. Em i gat 50 krismas, tasol em i soim strong bilong em taim em i kam long PNG Gems wantaim tim bilong Isten Hailans stori.

Pater Cofalik em i wanpela hapman bilong weit lifting. Em i makim tim Isten Hailans long weit lifting, na hatwok bilong em i karim kaikai taim em i winim gol medal dispela wik. Dispela 'Mangi Apo Stret' i tokim Wantok Niuspepa olsem em i mekim dispela long salensim ol yut bilong Goroka na ol arapela provins tu long sanap na hatwok long spot bilong painim gutpela laip.

Ritim stori bilong Pater Cofalik long Pes 7.

POTO: JAMES KILA

Serim dispela krismas wantaim Digicel!

39 Fri SMS! K39 Fri Kredit!



BAIM WANPELA HANSET DISPELA KRISMAS NA YU KEN WINIM WANPELA TOYOTA LENKRUSA

Olgeta haset wantaim SIM I gat K39 Fri Kredit na 39 Fri SMS.

Krismas em taim bilong serim



Ok Tedi helpim long mekim gavman haus

Ok Tedi Main long Westen provins i helpim long mekim 38 gavman haus long provins.

Dispela ol haus em i mekim bilong Flai Riva Provinsel Gavman na i mekim aninit long OTML Takis Kredit Skim long Kiunga.

Mani mak bilong dispela ol haus kampani em klostu long K8 milion.

Hap ol i mekim dispela ol haus em ol i

kolim Simiduan Estet.

OTML Jenerel Menesa bilong Koporet Rilesens, Musje Werror, long taim em i givmim ki i go long mausman bilong ol manmeri i tok ol manmeri i mas lukautim dispela ol haus.

Em i tok amamas long gutpela wok kampani i mekim long inapim tok bilong gavman em olsem Pablik Praivet Patnasip.

Mista Werror i tok kampani i mekim planti

ol gutpela wok long helpim provins na wokim haus bilong pablik sevis wokmanmeri i bikpela na gutpela wok.

"Stat long taim Takis Kredit Skim i kamap long 1997, kampani i mekim planti ol gutpela samting long provins.

"Inap long dispela taim kampani i yusim olsem K123 milion long helpim long kamapim infrastraktsa bilong provins, na i tok long

givim narapela K100 milion namel long nau na 2013.

"Dispela mani em kampani i yusim long strongim wok bilong helt, edukesen, gavman haus, wara saplai, ples balus, ol bris na rot," Mista Werror i tok.

Westen Provinsel Gavman Administreta i tok tenk yu long kampani long ol wok kampani i mekim.



AMAMAS: Mausman na meri bilong OTML Flai Riva Provinsel na Nesenel Gavman i lukluk raun long ol haus.

Gavman Mani Plen no wok: Man long ples

Paul Zuvani i raitim

GAVMAN i noken tok em i kamapim mani plen bilong strongim rurel ikonomi. Dispela em tok i kamap long ol yia i go pinis na las yia tasol na nau i kamap gen. Dispela ol tok i no tru long wanem maski Gavman i tok long givim mani long ol ples, nogat wanpela

senis i kamap long ol ples.

Damien Suanmang bilong Yambil, Maprik, Is Sepik provins, i tok dispela long taim em i bekim het tok bilong 2010 Mani Plen.

"Sindaun bilong ol manmeri i bagarap yet.

"Ol rot i bagarap, haus sik i nogat marasin na pas, ol manmeri i sik na dai.

"Ol skul i bagarap, nogat ol samting bilong skul long ol sumatin i yusim na skul.

"Ol manmeri i no inap long go long maket na salim kakao, kopi, kopra na gaden kaikai bilong ol."

"Sapos dispela em kain sindaun bilong ol manmeri, long wanem na Gavman i tok em i

givim mani long sapatim rurel ikonomi?" Mista Suamang i askim.

Em i tok maski Gavman i tok em i gat planti mani na i putim mani long ol distrik tasol sindaun bilong ol manmeri i no gutpela yet.

Na nau mipela i harim long redio, lukim long TV na ritim long pepa olsem ol bikpela wok bai

kamap long sait bilong maining na petroleum, long agrikalsa, fiseri na forestri, em i tok.

Yumi harim olsem kamap bilong dispela ol wok bai sapatim laip bilong ol manmeri. Yes dispela i tru tasol long wanem taim tru sindaun bilong ol manmeri bai senis? Mista Suamang i tok.

Gavman i wok long kamapim dispela Nesenel Stretgik Plen (NSP) long 2010 i go inap long 2050 long taim em i wok long redi long kamap bilong Likwifaid Neturel Ges (LNG).

Kalsarel Komisin kamapim kalsarel meping projek

Long Tunde dispela wik, Nesenel Kalsarel Komisin i opim wanpela projek bilong em ol kolim Kalsarel Meping Projek.

Dispela projek i bilong givim luksave long wanpela kalsa long wanpela hap, banisim na lukautim.

Dispela projek em long helpim komisin long lukautim ol dispela kalsa bai ol i no dai, i no paul o ol manmeri bilong narapela hap kam hait, stilim na soim long ol narapela manmeri long kisim mani.

Em i tok bilong Sif Eksekutyutiv Opisa bilong komisin Dokta Jacob Simet long taim em i opim dispela projek long opis bilong ol long Mosbi.

Long em olsem em i kamapim tripela opis aninit long nem bilong Insititut bilong PNG Stadi, Nesenel Film Institut na Nesenel Pefoming Ats Trup.

Dispela em i nupela tingting komisin i kamapim long helpim gut ol manmeri bilong ples.

- Paul Zuvani i raitim



NOTIS I GO LONG OL SAPLAIA BLONG OL GUDS NA SEVES IGO LONG GAVMAN DIPATMENT, PROVINSOL NA LOKOL LEVEL GAVMAN

2009 PASIM BLONG OLAKAUNTS

TOKSAVE LONG ARERE BILONG 2009 FAINENSOL YIA I GO LONG PABLIK OLSEM:

- **L**aspela dei long givim aut ol niupela Integrated Local Purchase Order Claim (ILPOCs), na tok orait long commitment i go long PGAS em long deit 14th DISEMBA 2009. Bai nogat niu pela ILPOC bai go aut long dispela dei, 14th DISEMBA 2009.
- Peimen bilong ol guds na seves igo long husat i givim ol samting long Gavman, yusim ol trupela ILPOC bai i go yet inap 31st DISEMBA, 2009.
- Gavman bai baim husait saplaia sapos yu givim ol inouis blong yu igo inap arere blong bisnis long dei 11th DISEMBA 2009. Sapos yu givim ol guds na seves pastaim long 11th DISEMBA 2009, yu bai ol baim yu long 2009 year.
- Olgeta inouis na wanem kain askim yu gat imas go long pei opis blong wanem gavman dipatmen husait ibin yusim guds na seves blong yu. Noken karim ol kleims bilong yu igo long dipatmen bilong Fainens.
- Toksave ken olsem Gavman bai baim tasol ol opisol ILPOC na ino ol narapela kain kleim. Dispela em i Lo.

Authorised by:
GABRIEL YER
SECRETARY BILONG FAINENS

OXFORD, TOK PISIN INGLIS DIKSENERI

Katim, na pulimapim oda fom daunbilong na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

TITLE	ISBN	PRICE	QTY	SUBTOTAL
PNG Tok Pisin English Dictionary	9780195551129	K38.50		
				TOTAL: K
				PLUS POST* K
				GRAND TOTAL: K

*Freight cost for sea book: K3.00 (incl. PKG) K17.00 (incl. air) K13.50 (incl. air & PKG)

Options for Payment

- 1) Direct deposit into Bank Account (Credit please)
- 2) Mail Payment to: Wood Publishing Company Ltd, PO Box 1487, BUREKE, MCD.
- 3) Call in cash to: Office 42, Section 44, Madam's Rd, Waigani, MCD.

Account Name: Wood Publishing Company Ltd
Account Number: 100 000 5380
Bank: Bank of South Pacific Ltd
Branch: Commercial Centre
Branch Code: 8951
Swift Code: BOSPPGM

FAX BACK TO: (675) 325 2579

If you are ordering from outside PNG please contact us for a quote.

Phone: (675) 325 2580
Fax: (675) 325 2579
Email: wood@wood.com.pg

Name (print): _____ Phone: _____
Address (print): _____ Fax: _____
Email: _____ Signature: _____

Gavman baim balus, na ol manmeri wetim sevis yet



JET BALUS: Nupela jet balus bilong PNG gavman i kamap long Mande dispela wik. I gat planti toktok olsem i nogat nid bilong dispela kain balus na gavman i tromoi nating mani long en, we dispela mani i ken go long strongim ol sevis long pipel bilong kantri. *Poto: Nicky Bernard*

Paul Zuvani i raitim

OPOSISEN i no amamas long gavman i yusim bikpela mani long baim nupela VIP balus.

Oposisen i tok gavman i no laik yusim dispela mani long narapela hap, na i no long balus we wanwan ol manmeri tasol bai yusim.

Mausman bilong mani long Oposisen na Deputi Oposisen Lida, Bart Philemon, i mekim dispela tok

long Tunde long taim em i bekim tokaut bilong 2010 Mani Plen bilong Gavman.

Em i tok gavman i no laik yusim dispela K120 milion long agrikalsa na fiseris sekta - tupela sekta we planti manmeri i kisim strong long en.

Gavman i no laik givim sapot long dispela tupela sekta, Mista Philemon i tok.

"O mi lust tingting, Falcon VIP

jet, mani mak em K120 milion we bai karim raun praim minista na ol hausuk kabinet bilong en. Dispela em aste (Mande, Novemba 23) gavman i kilim pik, dring bia, na mekim bikpela amamas long en.

"Mista Spika, sapos tingting bilong mi i klia, gavman i bin makim tasol K40 milion long 2008 Mani Plen. Narapela hap mani i kam long we?"

"Gavman i mas noken askim ol

manmeri long baim takis long inapim olgeta sas bilong dispela balus," Mista Philemon i tok.

Em i askim sapos gavman i ken tokaut long wanem ol hap em bai kisim mani long baim ol dispela sas.

"Dispela disisen long baim dispela balus i no gutpela.

"Taim gavman i yusim K120 milion long helpim em yet, 55 bebi namel long 1000 bebi i dai long

wanwan yia long wanem i nogat gutpela sevis bilong haus sik. Tu, 470 namel long 1000 mama i dai long taim bilong karim. Planti pikinini i no i go long skul. Nogat gutpela rot na ol rot i wok long go bagarap," em i tok.

I gat planti samting i stap bilong gavman long yusim dispela mani long en, tasol nogat, em i baim balus bilong em yet, Mista Philemon i tok.

2010 Baset i bilong paulim ol manmeri tasol: Oposisen

Paul Zuvani i raitim

MANI plen bilong Gavman long 2010 i wanpela fas mani skim bilong paulim mani bilong ol manmeri.

Mausman bilong tok long mani long Oposisen na Deputi Oposisen Lida, Bart Philemon, i mekim dispela tok long Tunde long taim em i bekim tokaut bilong 2010 Mani Plen bilong Gavman.

Em i tok kamap bilong mani plen bilong gavman i bihainim tingting bilong kago kalt.

Gavman long Developmen Baset bilong em i no tok klia we em bai kisim mani tru long kamapim ol projek em makim long em, Mista Philemon i tok.

Na long Rikaren Baset Gavman bai tromoi long hap we bai nogat wanpela win mani em bai kisim long en.

"Mani Plen bilong Gavman long 2010 i kamapim giamanem ol manmeri bilong mipela.

"Tresara i no tokaut klia long wanem rot em bai strongim ruel ikonomi.

"Dispela em ol toktok bilong politik tasol," Mista Philemon i tok.

Em i tok tresara i tok ikonomi bilong kantri bai gro long 8.5 pesen tasol dispela i no tru. Nogat wanpela gutpela sapot i go long agrikalsa, forestri na fiseris. Ol wok bilong Likwuifaid Neturel Ges (LNG) projek i no kamap tru yet. Mipela olgeta i

save long kamap bilong LNG projek tasol tresara i no tokaut klia wanem rot em bai kisim mani long em.

Na long Rikaren Baset Deputi Oposisen Lida i tok Gavman bai yusim planti mani long wok bilong administresen na pe bilong ol wokmanmeri.

Em i tok Gavman i no putim mani long ol hap we em bai kisim mani long em.

●Planti bilong dispela ol mani bai go long pe bilong ol manmeri.

●Ol manmeri bai kaikai dispela mani na nogat moa mani bilong mekim win mani."

Oposisen i tok:

● Gavman i mas noken yusim ol mani long Tras Akaun;

- Gavman i nogat mak bilong wok bilong Distrik Sevises Impruvmen Program (DSIP);
- Gavman i no kamapim gutpela senis long sindaun bilong ol manmeri;
- Gavman i ron long baim dispela K120 milion VIP balus bilong em yet;
- Gavman i no sapotim gut agrikalsa na piseris; na
- Gavman i no kamapim wanpela gutpela senis long 2005 inap nau.

Philemon i tok sapos Gavman i laik amamas long mani em i gat, em i mas amamas long kamapim gutpela senis long laip na sindaun bilong ol manmeri.

Palamen surik go long Mas 2010

Paul Zuvani i raitim

PALAMEN bihain long tok orait bilong 2010 Mani Plen i surikim kibung bilong em i go long Tunde 2 Mas, 2010.

I bin nogat planti toktok i kamap long las tupela wik na nau namba tri wik bilong kibung.

I bin i gat planti ol samting bilong toktok tasol bikos kibung i no save kamap dispela i lukim ol memba i nogat sans long tokaut long hevi bilong distrik bilong ol.

Long las tupela wik, Gavman i tokaut long 2010 Mani Plen na bihain tokaut bilong Nesenel Stratejik Plen (NSP) 2010 i go long 2050. Na long dispela wik em bung long Tunde tasol we Oposisen i givim bekim bilong em long mani plen.

Long dispela bung 71 memba i tok yesa long dispela mani plen na i tok orait long mani plen wantaim bikpela namba em Palamen i mas gat long tok orait long bil. Dispela i go stret.

Groz Pumps

BISHOP BROTHERS NATIONWIDE *everything for industry...*

Kaunim bilong Kandep Bai ileksen noken kamap long Goroka: Ol EHP

James Kila i raitim

NOGAT toksave i bin go long ol lida na gavman bilong Isten Hailans provins pastaim long PNG Iektorel Komisin (PNGEC) i surikim kaunim bilong Kandep bai-ileksen long Enga provins i go long Goroka taun.

Dispela em bikpela kros tupela memba bilong palamen (MP) bilong Isten Hailans i bin tokaut long en long Tunde long wanpela bung wantaim ol niuslain long Palamen long Mosbi.

Memba bilong Goroka, Thompson Harokaqveh,

wantaim deputi gavana bilong provins na memba bilong Obura Wonenara, John Boito, i tok olsem disisen bilong surikim kaunim bilong Kandep Open sia i go long Goroka i no stret long wanem ol lida bilong provins i no bin kisim toksave.

Tu Mista Harokaqveh i tok EHP provinsal polis komanda bilong long provins tu i no bin kisim toksave long putim was long ol birua long we i ken kamap long taim bilong kaunim.

Mista Harokaqveh i tok strong olsem kaunim bai kamap namel tru long taun na ol lida I pret olsem

sapos birua i kamap ol sapota bilong ol kendidet i ken bagarapim ol manmeri na ol samting long Goroka taun.

Ol i tok strong tru olsem ripot i kamap olsem polis long Goroka i holim pasim pinis sampela lain bilong Kandep husat i karim ol strongpela gan i kam long Goroka. Dispela ol lain em ol sapota bilong ol kendidet.

Mista Boito i sapotim toktok bilong Mista Harokaqveh na i tok olsem Goroka i no hetk-wata bilong Hailans rijen bai ol i surikim kaunim i go long hap. Mobeta ol i surikim i go long Hagen o

Mosbi.

Mista Harokaveh i tok Goroka i save lukautim planti ol bikpela skul na opis bilong gavman olsem Yunivesiti bilong Goroka, PNG Institiut bilong Medikel Rises na Nesinol Spots Institut na ol i no laik bai dispela bai-ileksen i bagarapim ol dispela skul na opis na ol narapela samting na manmeri long taun.

Wantok Niuspepa i bin traime long ringim ilektrol komisina, Andrew Trawen, long kisim toktok bilong em tasol i no inap toktok long em pastaim long dispela ripot i kamaut.



BELWARE: Mista Boito (lephan) wantaim Mista Harokaqveh i wari long sefti bilong Goroka taun. *Poto: James Kila*

Wes Nu Briten Gavana sapatim helt sevis Lae polis sel i redi

Veronica Hatutasi i raitim

GAVANA bilong Wes Nu Briten i givim gutpela sapat long helt kea sevis long provins, Provinse Etministreta Steven Raphael i tok.

Mista Raphael i bin tok olsem insait long nupela nesanel helt plen konsaltativ woksop ol bin holim long Kimbe i no long taim i go pinis.

Taim Mista Raphael i toktok long praimer helt kea i no go gut long olgeta distrik, em ol tok ol provins i mas gat gutpela helt plen bai i wok na karim besik sevis i go long ol pipel.

Ol lain insait long Niugini Ailans rijen na sampela bilong Sauten rijen i bin sindaun long dispela woksop. Long

toktok bilong em long opim woksop we ol distrik etministreta na helt menesa i bin stap long en, Mista Raphael i tok ol wok i mas stat long aninit i kam antap long kamapim plen bilong go hetim provinse plen. Na i mas gat ol risos long helpim kisim ol sevis i go aut long ol pipel.

Em I tok wanpela ripot ol bin wokim insait long tripela mun long ol wok i sut long kisim sevis i go aut long Wes Nu Briten provins, i soim olsem sevis i no gutpela. "Olsem na Gavman wantaim provinse etministresen i baim na givim i go aut long ol helt senta na etpos long ol distrik ol marasin na ol masin samting bilong yusim long ol haus sik.

Aninit long sistem i stap

nau, em i wok bilong nesanel gavman long givim ol masin na marasin samting i go aut long ol helt senta long ol provins.

"Ol mama insait long ol distrik i wok long karim ol pikinini long nambis bikos i nogat ol inap bet long ol helt senta. Ol mama na ol sik manmeri i karim ol wara bilong ol yet i go long ol helt senta long ol distrik," Mista Raphael i tok.

Mista Raphael i bin tok amamas long Helt Dipatmen long givim bikpela lukluk i go long helt kea insait long nupela helt plen na em i bin askim strong ol plena long wokim plen we bai helpim gut ol pipel long en.

"Long ol provins, mipela i lukim olsem bikpela samting em long kamapim gut helt kea

bikos long politikel na etministretiv straksa i stap pinis," Mista Raphael i tok.

Em i tok plen long daunbilo i go antap long ol distrik na provins i mas join o poromanim gut nesanel stretjijik plen we bai kisim ol sevis i go long ol pipel.

Mista Raphael i tok i no long taim i go pinis, Wes Nu Briten etministresen I bin yusim 0.5 milon long baim ol marasin na ol besik masin samting bilong yusim long haus sik.

Dispela rijinel woksop long toktok na bungim ol tingting wantaim long nupela nesanel helt plen em Elizabeth Gumbaketi, eksekutiv menesa bilong Stretjijik Polisi i bin go pas long em.

Dispela rijinel woksop long

Bustin Anzu i raitim

POLIS sel long Lae polis stesin i redi pinis long kisim ol trabel manmeri gen.

Polis sel i gat hevi long wara na ol toilet i no gutpela tumas long yusim. Tasol ol wokman i bin stretim pinis ron bilong wara, ol toilet na klinim sel na nau em i redi long ol i yusim.

Bos bilong Lae siti, Sif Suprintenden Nema Mondiai i tok ol wok lain i bin stretim planti samting na i bin senisim sampela ol paip tu bilong wara long las wik yet.

Nau yet ol i wetim tasol long ol i wokim fainal inspeksen na ol lain long helt i mas givim tok orait long ol i ken yusim.

Dispela polis sel i bin pas bihain long i gat sampela stori olsem ol lain kalabus lain i gat sik kolera na ol i bin pasim dispela

sel blok. Na bihain skruim taim bilong opim i go longpela long wanem, ol helt lain i pasim sel na ol i wet long stretim ol dispela samting.

Mondiai i tok ol i bin gat hevi long sel tasol ol bisnis komyuniti long Lae i bin givim bikpela helpim long stretim dispela sel gen.

Long ol narapela nius, ol kalabus man husat i ronawe long haus kalabus long Buimo i stap aut yet. Tripela tasol em ol i bin holim pasim ol na narapela 12-pela i stap aut yet.


Em i tok em i no kisim sampela ripot long haus kalabus tasol ol polis wantaim ol woda i wok bung wantaim long traime holim ol dispela lain gen.

Em i tok ol dispela lain ronawe em i wanpela bikpela hevi insait long Lae siti na ol komyuniti mas wok bung wantaim ol lain bilong lo long holim pasim ol gen.

a quality product of The Coca-Cola Company

NATURE'S OWN™


Purified Water




Sapotim tokaut bilong HIV/AIDS!

Coca-Cola Amatil i makim K200,000 olsem moni mak bilong 2009, na mipela askim olgeta man na meri bilong Papua Niugini long sapatim dispela kempein.

Taim yu baim wan wan Nature's Own 600mL or 1.5L botol wara, Coca-Cola Foundation bai givim 20 toea i go long National Aids Council long halivim tokaut bilong HIV/AIDS.



Get a HIV test and Plan your future

Visit a  today

PNG MADE

Haus bilong ol woda

Bustin Anzu i raitim

OL WODA long Lae, Morobe provins, na Madang, long Madang provins, bai i gat ol nupela haus slip, tenkyu long AusAID bilong Australia.

AusAID i putim K7m long wokim 41 haus bilong ol woda long Buimo (Lae) na Beon (Madang), aninit lo na oda program bilong AusAID long 2007.

Dispela wok i no bin kamap hariap long wanem pepa wok i no bin redi i kam inap nau.

Komisina bilong Koreksenel

Sevis(CS), Richard Sikani, i tok ol bai wokim ol dispela haus bilong ol woda long Buimo antap long maunten we ol i ken lukluk i go long Is na Wes Taraka na tu Yunivesiti bilong Teknologi.

Em i tok dispela bai lusim hap graun daunbilo long skruim haus bilong ol kalabus manmeri na stretim gut ol banis na kamapim gutpela sekyuriti.

Samting olsem 120 woda i bin slip insait long ol haus kunai taim ol i lusim Ombisusu klostu long Omisis long rot bi-

long Bulolo/Wau long 1961.

Tasol ol haus ol i bin wokim long dispela taim - olsem bilong komanda bilong haus kalabus tu - i bagarap na pundaun i go daun pinis.

CS long Buimo tu i wetim K500,000 long Morobe Provinsel Gavman we Lae Nesanel Kot long 2003 i wokim disisen na tok olsem provinsel gavman bai helpim ol long stretim ol haus bilong slip, gutpela pawa lait, wara saplai, rabis bin, nupela sel blok, gutpela haus kaikai na nupela haus bilong ol kalabus manmeri.

Oro Supa Boi

DISPELA liklik mangi i kam supa boi long taim em na famili bilong em i go helpim long mekim mani bilong ol tim Oro long UPNG taim wanpela strongpela gospel grup Higher Vision i pilai long hap. Planti ol manmeri long Nesinol Kapitol Distrik (NCD) i mekim mani bilong wanwan provins bilong ol.

Poto Nicky Bernard.



Dai long Bumbu

Bustin Anzu i raitim

POLIS i no klia yet sapos dai bilong tupela manmeri long Bumbu Setelmen em long han bilong polis o autsait lain.

Olsem na polis bai mekim wok painimaut pastaim na bihain bai kamap long wanem rot long kisim long dai bilong dispela tupela manmeri.

Ol polis bai wetim pos motem (post mortem o autopsy) pastaim na painim aut tupela i dai olsem wanem na dispela ripot bai mekim wok bilong ol polis i isi.

Bos bilong Lae siti polis sif supaintenden Nema Mondiai, i bin tokim ol niusmanmeri olsem ol bai mekim wok painimaut long dai bilong dispela tupela lain na bihain toksave long husat i asua.

Em i tok polis i bin kisim ripot olsem i gat tupela dai bodi i bin stap long Bumbu setelmen na ol i go na kisim ol dispela bodi i go long hausik.

Mista Mondiai i tok polis i kisim stori olsem wanpela pikinini bilong wanpela bipo polisman i go long blok na askim long kisim wanpela blok tasol ol lain long blok i tok nogat blok na ol i kros. Dispela i mekim dispela pikinini bilong bipo polis long go bek long Bumbu Polis Bareks na kisim ol mangi i go daun na pait.

Long dispela taim, polis i go na stopim pait na painim olsem wanpela man na meri i dai. Ol i kisim ol dispela dai manmeri i go long haus sik, tasol ol i no save wanem as ol i dai.

Olgeta MP i mas stretim ol rot

Bustin Anzu i raitim

OL ROT long biktaun Lae i mas kisim luksave long olgeta Memba bilong Palamen (MP) long Morobe provins na i no wanpela MP tasol.

Ol rot long Lae i bagarap tru na siti meya James Khay i wari na bel pen long dispela.

Em i askim ol 10-pela MP bilong Morobe long helpim na stretim dispela ol rot long wanem Lae em 'pes bilong Morobe'.

Mista Khay i tingting long bungim ol MP na toktok long stretim dispela hevi bilong rot long Lae.

Mista Khay i tok Lae em i namba tu biktaun bilong kantri na planti wok i save kamap long en.

"Em i no gutpela long ol rot long Lae i bagarap olsem," em i tok.

Em i tok olsem em olsem meya, na narapela MP bilong Morobe, Bart Philemon, i bung na toktok planti taim long rot bilong Lae, na nau em laik bungim olgeta MP long Morobe na toktok long ol dispela rot.

Em i tok tu olsem long bung bilong Lae Join Distrik Plening na Baset Praioriti Komiti (JDP & BPC) i bin givim K700, 000 long Lae Eben Lokel Level Gavman long stretim ol liklik han rot insait long siti long las mun, na dispela ol wok i wok long go het nau.

Mista Khay i tok em i stap strong yet long Nesanel Gavman i mas givim Lae siti komisin bilong em yet na ol yet i ken lukautim siti bilong ol.

"Mi sanap strong wantaim dispela tingting yet. Sapos ol i tok orait, em bai ol i gat inap mani long stretim ol rot na ol narapela samting hariap tru. Nau yet, mipela i kisim bikpela taim stret long mekim dispela," em i tok.

BANK WITH SMS BANKING AND WIN COMPETITION

Apply for SMS Banking today; use SMS Banking and you're in the draw to win. New and existing SMS customers - this is your chance to share in up to **K50,000!**



Weekly Draws:

- 10 Winners of K500 prize in bonus weekly draw
- Weekly draws on Fridays starting 20 Nov to 18 Dec

Grand Draw:

- 5 Winners of K5000 prize in Grand Prize Draw of K25,000
- Draw on 24 Dec

Simply bank using SMS Banking by using any of the services: Transfer money; check account balance; check recent transactions; using your mobile phone and get the chance to win!

With SMS Banking you can bank ANYWHERE, ANYTIME AND the more you use SMS Banking, the more chances to win a share of K50,000!

APPLY for SMS BANKING NOW, USE SMS BANKING NOW for your chance to be in the draw to share in the December Grand Cash Prize of K25,000.

♥ SMS Banking ♥ your bank



Competition starts 17 November - 24 December.
Open to all BSP retail customers, new or existing, who use SMS Banking. Winners will be contacted and asked to present identification at their nearest BSP Branch. BSP staff members exempt from this promotion.

Katolik pater winim gol long PNG Gems

James Kila i raitim

WANPELA Katolik pater i soim tru strong bilong em long Mande taim em i winim gol medol long resis long spot bilong weit-lifting long PNG Gems long Mosbi.

Pater Bogdan Cofalik, wanpela waitman, husat i gat 50 krismas, i soim olsem em i strong yet na em wanpela pikinini "Apo Stret" taim em i sanap apim ol dispela ain,

winim gol na karim fleg bilong lsten Hailans provins.

Pater Cofalik i stap moa long 20 yia long Goroka. Em i makim tim bilong lsten Hailans long dispela PNG Gems na win bilong em i apim namba bilong medol provins i winim i go antap.

Pater Cofalik save stap long Goroka na wokim wok misin wantaim Mary Help of Christians long Not Goroka. Em i stap insait long Oda bilong Misinari bilong Holi

Famili.

Pater Cofaliki i bin pilai pinis insait long tripela PNG Gems. Long 2005 em i bin pilai long spot bilong bodi-bilding na long dispela taim em i winim brons medol. Long 2007 em i go long spot bilong weit-lifting na em i winim gol medol long Lae. Na long dispela yia gen em i soim strong bilong em long winim gen narapela gol medol long weit-lifting.

Em i tok olsem dispela win i mekim em givim salens long

ol yangpela manmeri long pilai spot na noken go insait long ol pasin nogut na bagarapim laip bilong ol.

"Sampela taim ol dispela yangpela manmeri i save kolim 'paps'. Mi save tokim ol long pilai spot na lustingting long ol pasin nogut. Mi laikim ol long lukautim gut laip bilong ol na kamap ol gutpela manmeri," em i tok.

Pater Cofalik em i kam long wanpela famili long kantri Polan (Poland), na dispela

spot bilong weit-lifting i stap long blut bilong famili bilong em. Tripela brata bilong em i save pilai long dispela spot na makim Polan long wol sempionsip.

Em i tok olsem namba tri brata bilong em Andrew i bin winim brons medol long Olimpik Gems long Atlanta na bihain long dispela gems na long wol taitol long kantri Tailen (Thailand) i bin winim gol na holim taitol long divisin bilong em.



MANGIAPO: Pater Bogdan Cofalik, wanpela waitman, em i 50 krismas, i soim gol medol bilong em long weit lifting.

Ol pater save mekim bikpela wok

Stori i kam long Zenit Nius ejensi, Vatiken

BIKPELA askim i go long ol Katolik manmeri long wol bilong lukluk bek, glasim na tingim ol pater na wok ol i mekim.

Hetman bilong Katolik Sios long wol, Pop Benedict 16, i wokim dispela askim taim em i tokaut olsem stat long namel bilong dispela yia inap long neks yia Jun 1010, em i Yia bilong ol Pater.

Pop Benedict 16 i tok olsem long glasim yia bilong ol pater, dispela bai strongim tu wok bilong ol pater olsem ol witnes bilong Tok bilong God.

Long tingting na lukluk bilong wanpela biknem santu long Katolik Sios em Santu John Vianney, pater na ministri ol i gat em bikpela wok.

Glasim ol toktok na skul bilong Sen John Vianney, Pop Benedict 16 i tok ol pater i ol bikpela man tumas long wanem taim ol i wokim toktok, God i save harim tok bilong ol na i kam daun long ples bilong em long Heven long inapim wok we ol pater i askim helpim long en.

"Sapos Sakramen bilong Holi o Santu Ordo, bai yumi nogat Bikman. Husat i putim em long Tabenakel? - em pater tasol. Husat i tok welkam long sol bilong yu taim yu statim laip bilong yu? - em pater tasol. Husat i save givim kaikai long sol bilong yu? - em pater tasol. Husat bai redim sol bilong yu bipo em i go long God? - em pater tasol. Pater em oltaim pater. Na sapos sol i dai na em i gat sin o sol bilong em i no stret, husat bai kirapim em na givim em gutpela bel isi? - em pater tasol. Na bihain long God, pater em i olgeta samting. Long heven tasol, em (pater) bai luksave long dispela," Pop Benedict 16 i tok.

Taitel King Jisas, i gat narakain

I kam long Zenit Nius ejensi, Vatiken.

PAWA bilong Jisas em "pawa bilong God i save givim laip bilong oltaim long mekim yumi i fri long ol pasin nogut, mekim lewa bilong man i save mekim bikhet pasin i tanim i go gutpela na daunim pawa bilong dai.

Pop Benedict 16 i tok olsem long belo taim lotu bihainim las Sande pestode bilong Krai em i King long kalenda bilong Katolik Sios long wol.

Pop Benedict 16 i skruim tok i go moa olsem taitel King Jisas i gat i no olsem ol narapela king bilong dispela graun, nogat. Dispela kain King na Kingdom em i go pas long en em i "Kingdom we Grasia i stap long en na i no save tok olsem mi antap moa. Na em i save luksave long fridom bilong olgeta manmeri.

Pop i tok taitel bilong King Jisas i gat long em i wanpela bikpela samting Gutnius i toktok long em we yumi i mas ritim long save long laip, wok na misin bilong em long sevim ol manmeri bilong dispela graun.

Em i tok yumi lukim dispela tok bilong Krai olsem pas-taim long tok i stap olsem Krai i King bilong ol Israel. Na narapela em long Krai i yunivesel King bilong olgeta manmeri long graun, skai, wol na histori. Na dispela i go moa long ol samting na tingting bilong ol pipel bilong Israel.

Em i tok tru, long ol naispela sia King Jisas i gat na Kruse em i bin karim, ol manmeri yet bai tingting husat tru ol i laik bihainim. Gutpela o spirit i nogut, ol trupela toktok o ol giaman toktok.

TELIKOM PUBLIC NOTICE

Telikom will be transferring all Wireless Internet customers from POSTPAID to PREPAID on the 24th November 2009. It is important to take note of the following:

- 1. Your Logon Username will change.**
- 2. Contact customer care now on the numbers shown below to obtain your new User Name**
- 3. Your PIN Number will not change**
- 4. Your Data, Balance Enquiry and Account Recharge will be done through existing 1255 number**
- 5. You will be offered the Regular Bundle upon transfer from POSTPAID to PREPAID. However, you may choose any one of the other prepaid plans that suits you after migration**
- 6 Customers wishing to remain on POSTPAID should go to or contact the nearest Telikom sales office for assistance**
- 7. More information relating to the above will be available from 23th November at selected Telikom sales offices or may be sent through email on request.**

For further information contact: 323 4444 or 344 4444

Email: rait@telikompng.com.pg



TELIKOM PNG
Always there!

TRANG201109



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Frens Polanisia Presiden laik kisim sapot pastem long no konfidens vot

PRESIDEN bilong Frens Polanisia, Oscar Temaru, i wok long traim long kisim sampela moa sapot pastaim long no konfidens vot ol i laik kamapim agensim em.

Oposisen Pati, Tahoeraa Huiraatira i bin kamapim dispela tingting bilong kamapim vot ov no konfidens long wik i go pinis, wantaim tu sampela memba bilong ol liklik ailan longwe long Papeete, na tu, sampela memba bilong To Tatou Aia Pati husat i bin memba bipo bilong gavman bilong Oscar Temaru.

Dispela no konfidens vot i bin bihainim ol toktok kros long baset bilong gavman.

Mista Temaru i bin wok long holim ol toktok wantaim ol memba husat i no laikim dispela no konfidens mosen, bilong traim long helpim em.

Sapos ol i winim dispela no konfidens vot, dispela bai min olsem Gaston Tong Sang bai kamap gen olsem presiden nainpela mun tasol bihain long em i bin lusim dispela wok.

Australia bisnisman i kros long gavman

TUPELA papa bilong wanpela hotel long Samoa em sunami i bin bagarapim na rausim i no wanbel liklik wantaim gavman bilong Australia, na ol i tok olsem ol i no kisim yet wanpela liklik helpim i kam long gavman.

Chris na Wendy Booth husat i bin kam long Sunshine Coast long Queensland (Kwinsten) i tok olsem ol i pilim olsem Australia i lus tingting tru long ol.

ABC niusmeri long Nu Silan Kerri Ritchie i ripot olsem insait long dispela tupla mun i go pinis Chris na Wendy Booth i wok long bildim ken Seabreeze Resort bilong ol long saut kos bilong Samoa ol yet.

Ol i tok insurans mani i no kam yet, na tu ol i wok long lukautim ol wokmanmeri bilong ol wantaim mani bilong ol yet.

Chris Booth i tok olsem em i kros tru long Australian gavman na tu long Red Cross long wanem ol i no helpim ol liklik.

"Not one grain of rice." Ol i tok.

Bipo praim minista bilong Tailen i dai pinis

BIPO praim minista bilong Tailen, Samak Sundarejev i dai pinis long Bangkok.

Long yia i go pinis, ol i bin fosim Mista Samak, krismas bilong em 74, long lusim wok bilong en long



Festival bilong ol elefen

LONG kantri Tailen, i gat festival bilong ol elefen. Dispela bikpela festival i save bungim ol elefen na ol wasman bilong ol long olgeta hap kona bilong kantri. Elefen em ol Tailen i save yusim ol long wok bipo, na long raun. Ol i save mekim bikpela wok tru long wok loging. Tude, namba bilong ol elefen i wok go daun, na namba bilong ol motobaik na trakta i wok long go antap. (AP Poto i kam long AAP Images)

wanem em i bin kamap long wanpela televisen so bilong kuk.

Mista Samak, husat i bin wok tu bipo olsem gavana bilong Bangkok, i bin wanpela poroman bilong Thaksin Shinawatra, man em kot i bin sasim em long kamapim ol bikpela tabel, na em i wok long kamapim yet ol trabel long ol wok politiks long Tailen.

Mista Samak i bin winim ileksen long 2007 tasol ol i bin rausim em long wok nainpela mun bihain long wanpela kot i bin sasim em long brukim loa taim em i bin kisim mani long kuk so bilong em.

Mista Samak i bin gat sik kensa long liva bilong em.

Kot i pinisim kot agensim Khmer Rouge lida

LONG Kambodia, woa kraims kot nau i wok long pinisim kot keis agensim man husat i bin lukautim ples o senta we lain trabel man bilong Khmer Rus i save bin kalabusim ol pipel long en.

Taim ol kalabusman i bin stap long dispela senta ol memba bilong Khmer Rus i save paitim ol nogut tru na fosim ol long toktok. Ol i save kolim dispela ples long tosa na interogasin senta.

Ol i sutim tok long Comrade Duch, husat i bin lida bipo bilong S-21 haus kalabus long Phnom Phen olsem em i bin kilim ol pipel na tu bagarapim ol.

Ol i bin kilim planti tausen pipel tru husat i bin kalabus long dispela senta.

Reach Sambath, wanpela tokman bilong Traibunal i tok olsem bai ol i tokaut long tingting na wanem kain mekimsave bai ol i givim long

Comrade Duch long yia bihain.

Filipins i makim moa soldia long Saut bilong kantri

LONG Filipins, ol i putim pinis planti handret moa ol soldia long saut bilong kantri, bihain long sampela pipel husat i bin yusim ol gan, na em ol i ting i save gut long wanpela politisen i bin kisim nating na kilim samting olsem 36 pipel.

Militari i tok olsem ol i tokim pinis ol soldia long Maguindanao provins long Mindanao ailan long pulim kalabusim olgeta pipel husat i save sapotim lokol politisan Andal Ampatuan, husat ol i bilip i bin kamapim tingting bilong kisim nating o kidnepim ol dispela pipel.

Wanpela mansave bilong Australia, husat i save bihainim ol wok politik long Filipins i tok olsem dispela trabel bai nap kamapim bikpela hevi tru long nesenen ileksen long yia bihain.

Meri na ol susa bilong wanpela politisen, na wanpela lain niusmanmeri o jenalis i bin stap namel long ol dispela pipel em ol i bin kilim ol.

Ron May bilong Australia Nesenenel Yunivesiti i tok olsem ol lain em ol i bin dai em ol i save stap tumas long ol wok politik long Maguindanao na tu ol i strongpela sapota bilong Presiden Gloria Arroyo husat i lida bilong kantri nau.

IMF lukluk raun i go long Fiji

LAIN bilong Intanesenel Monetari Fan i tok olsem Fiji inap lukim ol wok mani na bisnis bai go antap long yia bihain.

Jemima Garret i ripot olsem

Inatanesenel Monetari Fan i bin pinisim tasol tupela wik lukluk raun bilong en i go long Fiji, bilong lukluk na glasim ol wok mani o ekonomi.

Man husat i bin go pas long dispela lain, Ray Brooks, i tok olsem ol wok mani i no bin kamap gut tumas.

Em i tok tu olsem mak bilong ol pipel husat i no gat wok i bin go antap long 8 na hap pasen long 2008 na ol i ting ekonomi bai pundaun long 2 na hap pesen long dispela yia.

Long 2010, ol i ting ekonomi bai go antap long 2 pesen, tasol Mista Brooks i tok lukaut olsem i gat sampela wari i stap yet long wanem long ol dinau em gavman i gat nau na tu prais bilong ol samting em i save go antap na pundaun o inflesien.

Ol Indonesia pipel i no wanbel wantaim presiden

OL Indonesia anti grap ektivis nau i wok long askim long mekim wanpela bikpela mas agensim presiden bilong kantri long wanem ol i tok em i no bin mekim wanpela gutpela wok bilong stopim ol korapasin em ol lida bilong polis na ol loya i bin mekim.

Presiden Susilo Bambang Yudhoyono i bin guria liklik taim em i bin wok long bekim askim i kam long ol fek fainding tim bilong en bilong givim strongpela mekimsave i go long ol dispela sinia loa opisa, na tu bilong ol i mas senisim judisari.

Ol i wok long strongim Presiden Yudhoyono long rausim polis sif bilong en, na tu, atoni jeneral na

odarim ol long rausim ol giaman criminal sas em ol i bin kamapim agensim tupela sinia investigeta bilong anti korapsen opis.

Insait long wanpela toktok em i bin mekim long televisen, em olgeta pipel long kantri i bin lukim, Presiden Yudhoyono i bin tok promis long senisim jastis sistem, tasol em i bin tok strong olsem em no inap long go na stopim ol criminal sas.

Indonesia Korapsen Was i tok dispela kain promis em Presiden i bin mekim long stopim korapsen, em i toktok natin, bilong painim vot tasol bilong winim nupela ileksen, tasol bai ol i go het yet long mekim mas long wik bihain.

Burma Nevi arestim fopela Taiwan bot

NEVI bilong Burma i arestim fopela Taiwan bot bikos ol i ting ol i bin wok long stilim pis.

Taiwan Piseris Administresen i tok, em i tru ol i holim kalabus ol dispela bot na ol kru bilong ol long Burma.

Chin Times niuspepa long Taipei i ripot olsem, ol sela long ol bot em ol Taiwan, wantaim tu kepten, tasol ol narapela em ol Filipino na Indonesia.

Em i tok ol dispela bot i bin lusim Phuket ailan long Tailen long Novemba 18 na ripot i tok, ol sip bilong Burma i bin pastaim long redio i dai, na ol i no save wanem samting i kamap nau.

Aninit long lo bilong solwara, ol kantri i ken makim eksklusiv ekonomik zon bilong ol i go samting olsem 200 notikal mail stat long nambis i go long solwara na ol i ken tok olgeta samting long dispela hap em bilong ol.

Australia gavman bai noken opiem gen Pasifik solusen

HETMAN bilong Australia Refuji Kaunsil, John Gibson, i tok i nogat as bilong gavman long opiem gen dispela we bilong lukautim ol asailum sika ol i bin kolim long Pasifik Solusen.

Ol opisal long Papua Niugini na Nauru i mekim sampela toktok poinis em i soim olsem, ol i redi tasol long opiem gen ol ples we ol asailum sika i bin stap long en bipo.

Ol i tok ol i laik mekim dispela bilong helpim long stretim hevi Australia i bungim long ol bot pipel.

Stat long yia 2001 i kam inap long las yia, Australia i bin yusim ol ples long Manus Ailan long PNG na Nauru, olsem ol ditensen senta long narapela kantri bilong ol asailum sika.

Pacific BEAT

4. 5. 6am & 4pm. 5pm including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



KOMENTRI

Hamas long balus tiket bilong Falcon jet?

INSAIT i gat telepon, feks masin na TV. Na long baksait, i gat wanpela hap spesol sia bilong Praim Minista na i gat ol sia i stap we yu ken pulim i kam aut na em bai kamap bet bilong silip.

Tru tumas, dispela nupela jet balus gavman i baim long K120 milian em i wanpela stail balus.

Tasol hamas manmeri bai inap long sindaun insait long dispela liklik balus?

Yumi bai nap pulapim sampela ol tim bilong PNG Gems i go insait tu o nogat?

Na hamas tru tru liklik manmeri bilong PNG bai ron long dispela nupela balus bas bilong gavman?

Deputi Lida bilong Oposisen, Bart Philemon i bin tromoi ol dispela askim, na ol arapela askim tu, olsem hap mani bilong baim dispela balus i bin kam we?

Bart i bin givim bekim bilong Oposisen long mani plen gavman i autim long bilong 2010.

Em i givim wanpela gutpela tok glasim tru long mani plen, na ol gavman ministra i no bisi tumas long ol toktok bilong em.

Sampela toktok em i givim long ol, na ol i luk olsem ol i bel kaskas tru long em.

Na wanem ol askim bilong Oposisen?

Em nau, mani bilong baim dispela Falcon jet balus em i wanpela.

Narapela em bikpela bilip gavman i gat long winmani we bikpela Likwifait Netseral Ges o LNG projek bai bringim i kam. Philemon i askim gavman wanem taim tru ol i ting long lukim dispela ol winmani i kam insait long kantri.

Em i tok dispela projek bai no inap long stat salim ges, inap long 7-pela yia bihain, na ol bilip bilong ol long 2010 baset bai olsem wanem?

Tasol ating bikpela tok lukaut, i kam long ol save-man bilong Nesenel Risets Institute na Institiut bilong Nesenel Afeas, em mak bilong ol pablik sevan long karimaut 2010 mani plen.

Dispela, ating gavman i mas tingim.

Sapos ol i no wari long ol sut toktok na askim bilong oposisen, ol i mas tingting gut long ol tok lukaut INA na NRI i givim.

Sapos i nogat inap savemanmeri husat i ken karimaut gut ol wok aninit long 2010 mani plen, bai kantri i ken bungim sampela bikpela hevi.

Namba wan samting, em bikpela hap mani i go aut long ol distrik bilong kirapim ples, bai paul na lus nating, na wok developmen gavman i ting bai kamap, bai nogat.

Namba tu samting, sapos ol saveman i no stap long skelim gut ol mani bai ol lida bilong yumi i yusim ol kain kain rot ol i kamapim pinis insait long baset long pulim mani i go kam long laik bilong ol. Tingting i mas klia, bai wok i go het gut.



Gutpela baset bilong kantri ...tasol wok mas kamap tru

2010 nesenel baset bilong Papua Niugini em wanpela gutpela baset we i sanap mak olsem K8 bilien. Dispela em wanpela bikpela mani mak bilong kantri bikos bipo em baset mak save stap long K3 bilien tasol.

Yumi save olsem dispela K8 bilien baset em gavman i skelim long hamas mani em i holim nau long han na amas mani em inap mekim long neks yia long ol wok na bisnis bilong em. Olsem na em kamapim dispela namba.

Ating bikpela samting em gavman i save olsem em bai wokim planti mani bikos plen bilong em long nau we em wok long strongim ol wok na bisnis bilong em i soim wanem kain mak bilong mani em wok long kamapim tude. Na dispela i givim em klia tingting long hamas mani em bai mekim.

Hamas mani i stap long han nau em bikos gavman i mekim gut mani long ol minerol olsem oil na ges, gol, timba, pis, wel-pam na kopra na kopi na ara-



pela moa. Wantaim tu bikpela projek bilong LNG bai pulim planti bilien kina tru kam insait long kantri.

Ating em gavman i gat gutpela tingting nau long baset plen bilong em bikos em laik putim mani go insait long kirapim ol sevis long ol asples na opim dua bilong ol wok bisnis insait long ol asples na distrik.

Baset i go long wok bilong maining, daunim takis na helpim ol kampani na ol bisnis long ranim gut bisnis bilong ol na moa mani go long ol distrik na ol pipel bilong ples.

Em ol gutpela sain bilong kantri inap mekim moa mani long neks yia i go bikos gavman i helpim ol pipel na bisnis long ol ken go het na ranim gut wok na bisnis bilong ol.

Dispela em wanpela gutpela

baset Papua Niugini i no save kisim long planti yia i go pinis.

K10 milien long wanwan distrik em bikpela samting bikos ol pipel bai lukim tru tru han na sapot bilong gavman long ol long planti sevis eria olsem rot, bris, haus sik, lo na oda, edukesen na planti moa. Taim i gat mani bilong stretim ol dispela wok na sevis, em nau ol pipel na ol bisnis ken stat long mekim mani long ol kainkain wok bisnis bilong ol.

Tru tumas sampela distrik ol nogat sistem o strong bilong brukim na skelim bikpela mani long ol wok bilong distrik na glasim ol rekot bilong ol wok i kamap long wanem kain mak na level na amas tru bai inapim wanpela projek o wok. Tasol bikpela samting em larim mani bilong pipel i go daun long distrik na ol ken pilim tru na ol ken stat long mekim plen long wanem kain wok ol bai brukim mani go long en.

Em gutpela baset na ol bisnis na pipel bai amamas long dispela gavman long kamapim

dispela bikpela baset bilong kantri.

Nau yumi lusim long han bilong ol wokman bilong karimaut wok long kisim na yusim gut ol dispela baset long lukim wok na kaikai i kamap long soim olsem dispela em trupela baset na gavman em rait gavmn long sevim pipel bilong em.

Em i tru olsem ol saveman bilong mani o ekonomiks na ol bisnis lain bai kamap wantaim kaikain tingting bilong ol tasol em gutpela long skelim gutpela na nogut wantaim bai i ken kamapim gutpela was bilong lukim dispela baset i ron gut long mekim wok bilong em.

Dispela baset em sain bilong kantri i wok long kamap gut long sait bilong ekonomi na bisnis na ating neks yia bai baset bai go antap yet.

Dispela kain baset tu inap pulim moa ovasis bisnis kam long kantri na inap kamapim planti wok bilong ol yangpela bilong yumi.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspapa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.

CHAPASA Praimeri Skul em skul bilong ol Katolik. Olgeta pikinini save skul long prep i go inap standat 4 long ples. Bihain ol save go long Patu long skul standat 5 na 6. Ol pikinini man husat i skul yet na mekim fom 1 i save go long Mon-gop Hai Skul long Nu Ailan, na ol pikinini meri long Nu Ailan husat i skul yet i save kam skul long Patu.

Taim mipela i stap yet long Chapasa, ol tisa i save tilim mipela. Ol pikinini man i gat hap bilong ol yet, na ol pikinini meri i gat hap bilong ol yet.

Dispela kain pasin ol tisa save mekim long tilim ol pikinini man na pikinini meri, em wankain long taim na ples bilong wok, taim na ples bilong waswas na redi long go skul na lotu. Mipela ol pikinini yet save wokim haus waswas na toilet bilong mipela. Mipela save wokim bilong ol pikinini meri long wanpela hap na bilong ol pikinini man long narapela hap. I gat wanpela pilai graun tasol na mipela olgeta save pilai - ol meri long wanpela sait na ol man long narapela sait.

Long dispela wankain pilai graun, i gat tripela as bilong ol bikpela diwai i sanap yet bihain long ol papamama i bin klinim ples namba wan taim tru long kamapim Chapasa. Planti sumatin i traim kukim na digim rausim ol dispela as bilong diwai, tasol, tasol long taim mi i go skul, dispela ol as bilong diwai i stap yet. Planti taim, taim tisa save givim mekimsave long ol pikinini i bikhet long skul, em bai tokim ol long go na digim na traim rausim ol as bilong ol diwai. Ol pikinini digim i go na hul i go bikpela na wanpela bikpela man i ken hait insait long en. Ol mangi i save hait long insait long dispela hul.

Wanpela apinun ol tripela tisa i tokim mipela ol pikinini man long go na wok long dispela ol as bilong ol diwai. Mipela i holim kainkain samting long helpim mipela digim rausim ol dispela as bilong ol diwai. Miplea holim ol samting olsem sel kokonas, hap stik, ol sotpela sarip. Sampela i go han nating. Ol pikinini meri i go wok long narapela hap. Mipela pikinini man i go raunim wanpela bilong ol dispela as bilong diwai na mipela i senis i go kam long digim na rausim wesana na traim kamapim ol rop bilong diwai aninit long graun. Mipela wok i stap na ating mipela i mas noisim haus bilong sampela rat. Mipela i kirap nogut long wanpela lain famili rat i ronawe kam ausait na go insait long ol gras long pilai graun. Tingting bilong wok i pinis nau! Olgeta mangi i raunim sait-sait bilong gras na i katim gras wantaim ol sarip. Liklik gras i wok long pinis long sait-sait na ples hait bilong ol dispela rat i pinis olgeta nau. Ol mangi i pinisim las hap gras na holim ol dispela rat. Ol bikpela mangi i holim na mipela liklik i kam raunim ol na traim lukim skin bilong ol dispela rat. Wanpela mangi namel long mipela i tok, "Yumi traim kukim ol rat na kaikai." Olgeta mangi i amamas na ol i ron painim samting bilong kukim ol rat. Long histori

SENIS WANTAIM TAIM

Pasin bilong mipela ol mangi



bilong Powai nogat manmeri save kaikai rat! Ol Powai save bilip olsem ol manmeri husat i kaikai rat bai i stap liklik na i no inap kamap bikpela.

Otto Kakik i go long nambis na bungim wanpela ros skin tin long wesana. Em karim i kam na singaut, "Mi karim sospen i kam." Ol mangi i go kisim liklik wara long as bilong ol lain saksak baksait long skul. Raphael Kachu i go wantaim ol na i kisim sampela wail kumu na em i singaut, "Mi karim kumu bilong kaikai wantaim mit i kam." Ol bikpela mangi i laitim paia na kukim gras bilong ol rat. Ol rausim gras bilong ol rat gut tru, na rausim ol bel na rabis pinis, na ol putim olgeta rat long tin na kukim antap long paia. Taim kaikai i wok long boil, ol bikpela mangi i singautim mipela ol liklik mangi kam klostu na tokim mipela, "Yupela ol liklik mangi i mas noken kaikai dispela abus, mipela tasol bai I kaikai." Orait narapela bikpela mangi i tok, "Maski. Mobeta yumi olgeta i kaikai, tasol bai yumi kaunim wan, tu, tri na yumi olgeta kaikai wankain taim tasol. Sapos wanpela i dai orait yumi olgeta i dai." Olgeta wanbel long dispela tok na ol i sanapim mipela olgeta long lain na wetim sif kuk long skelim kaikai.

Sif kuk bilong mipela dispela taim em Robert Sokou. Em i go sekim kaikai long paia na i tok, "Kaikai tan pinis." Mipela olgeta i no mekim wanpela samting yet na liklik kan-

dere bilong mi Melewen i go stret na apim skin tin long maus bilong em. Em dring hap sup na em i tok "Aaah, ol lain! Samting ya i swit nogut tru ya!" Orait olgeta mangi i surik kam klostu na ol bikpela mangi i katim abus. Tupela han, tupela lek, tupela sait, bun baksait, het na ol i wokim olsem long olgeta rat na tilim ol hap mit long han bilong olgeta mangi. Melewen kam klostu long mi na i tok, "Yu noken kaikai. Hap mit bilong yu em bai mi kaikai. Sapos mi dai em orait. Yu i mas noken dai." Em i tok olsem na em i kisim hap mit ol i givim mi na em i holim. Olgeta yet i holim ol hap mit bilong ol long han na wanpela i kaunim "wan, tu, tri..." Olgeta yet i tromoi ol hap mit i go long ol maus bilong ol na daunim. Ol i wetim dai tasol dai i no kam. Wanpela minit i go, tupela minit i go, tripela minit pinis na nogat wanpela i dai. Olgeta yet i kalap na amamas tru olsem ol i brukim rekot long kaikai rat!

Mipela amamas i stap na mipela kirap nogut long Albet Kahon i wokabout i kam. Albet em wanpela kapenta bilong Katolik misin na i bin save wokim haus long Vunapope. Tasol bihain long em i gat wanpela pikinini sampela kain sik i kisim em na em i kamap longlong na i go bek long ples. Long ples em i save paitim tumas meri na pikinini na bikpela brata bilong em i paitim em na rausim em i go long bus. Em save stap em yet long bus na sait nambis i go long T'Moenai na wan-

wan taim em i save kam raun long ples.

Long dispela apinun ol mangi i kaikai rat em Albet i kam wokobaut. I gat wanpela grinpela hap laplap em i save karamapim bodi bilong em wantaim. Long dispela apinun em i sotim tru dispela laplap na mipela i ken lukim sagana bilong em. Em i pasim na karim wanpela hap karuka mat aninit long wanpela han na insait long dispela karuka mat em i haitim sotpela handel tamiok (dispela Albet em wanpela taim mitupela Kahon i pairaipim ol paia krekala long em long mangru). Albet i gat planti susa na wanpela bilong ol em pikinini bilong em i sif kuk bilong mipela Robert. Olgeta mit bilong rat ol mangi i kaikai pinis tasol het bilong mama rat stap yet long han bilong Robert long taim Albet i wokobaut kam. Olgeta mangi surik long Albet na sanap longwe. Robert tasol i go klostu na singautim kandere bilong em. "Pepet, mipela kaikai liklik abus na hap i stap. Yu laik kaikai a?" Taim ol liklik kandere bilong em i go klostu Albet i no save kros, em i no save toktok tumas tu. Olsem na taim Robert i soim em het bilong rat, Albet i kisim isi tasol. Em i no kaikai. Em i holim tasol na wokobaut go olsem long ples.

Taim mipela i wok long mekim olgeta dispela samting, mipela i no lukim ol biklain lain mama i sindaun aninit long haus bilong namba tu het tisa Gaspar Kupe. Ol meri sindaun na wok long samapim lip saksak bilong go antap long haus bilong ol tisa. Albet wokobaut go long ol na olgeta pret na laik ronawe. Susa bilong Gaspar Kupe em mama bilong kandere bilong mi Melewen na em i tambu meri bilong Albet. Dispela meri i gat traipela maus. Taim olgeta mama i redi long ronawei, Lamustu i kam stret long tambu bilong em na em i tok "Uuuu...Albet, yu kam pinis?" Albet i stop wokobaut na sanap tasol. Meri ya i kam klostu na lukim het bilong rat long han bilong Albet na askim strong, "Siii, Albet, yu holim het bilong rat. Olsem wanem? Yu hangre? Husat givim yu?" Albet i tanim na poin long mipela ol mangi long pilai graun. Ol tisa i harim dispela meri i askim strong na ol tu i askim, "Lamutsu, yu toktok long wanem samting?" Meri ya i tokim ol tisa olsem mipela ol sumatin i kaikai rat na givim het bilong rat long dispela longlong man. Wantu tisa i go na paitim belo. Long ples belo em i mak bilong olgeta lain i mas kam bung, statim wok na pinisim wok. Olsem na taim belo i krai, mipela olgeta sumatin i kam bung, ol pikinini man na pikinini meri wantaim. Ol tripela tisa i sanap long lata bilong haus tisa. Kanau tupela Tikamuk sindaun long lata bilong haus na Gaspar Kupe i kam olgeta na sanapim mipela long lain na

givim oda long mipela long 'eyes right, right dress, eyes front, stand at ease, attention!' Mipela olgeta i wokim pinis nau, em i tokim ol pikinini meri, "Yupela i ken go! Ol man yupela i sanap yet!"

Em misin skul na olgeta mangi i save pinis olsem tisa bai i paitim mipela olgeta. Tasol long wanem as mipela olgeta i no save yet. Planti mangi hariap long sekim as bilong ol sapos laplap ol i putim em i bikpela inap long daunim sampela pen bilong kanda taim tisa i paitim ol. Gaspar kam klostu na sanap stret long fran bilong mipela na askim, "Yupela kaikai long moning o nogat?" Mipela olgeta singaut, "Yes se." Em askim gen, "Yupela hangre ah?" Mipela bekim, "No se." Em askim gen. "Na husat lainim yupela long kaikai rat?" Mipela lukluk go kam. Sampela laik askim, "Husat kotim yumi?" Tasol mipela olgeta luksave nau long asua bilong mipela. I hat long poinim pinga i go kam. Em misin skul ya na ol tisa bai save yet maski yu traim long haitim samting. Gaspar kisim hap tel bilong tingri (stingray) na em kam olgeta long lain bilong mipela. "Yupela laikim hamas stik?" Sampela kolim 5 na sampela kolim 2, tasol Gaspar i tok, "Bai mi givim yupela 10-pela kanda."

Long misin skul yu no inap ronawe. Maski ol i paitim yu wantaim waia, o kukim yu long smuk i lait, yu i mas sanap na tok, "Tenk yu se, tenk yu se" inap yu kisim olgeta kanda long skin o as bilong yu. Long dispela taim mipela olgeta i apim tupela han i go antap na Gaspar i givim mipela 10-pela kanda long as bilong mipela. Olgeta taim tel bilong tingri i pairap long skin bilong mipela, wanwan mangi bai singaut "Tenk yu se, tenk yu se" inap 10 pela taim olgeta!

Mipela i ting dispela mekimsave em i pinis, tasol nogat. Gaspar i tokim mipela olgeta long putim han long tupela ia bilong mipela yet, orait mipela i mekim. Em i tok "nil daun long skru bilong lek", orait mipela i wokim. "Orait nau putim tupela skru bilong han long wesana." Mipela wokim. "Nau yupela i wokabout long skru bilong han na skru bilong lek i go long ol klasrum bilong yupela."

Ol mama i stap na lukluk na mi no save sapos ol i sori o ol i lap long mipela. Insait long traipela san bilong 3 kilok apinun, wesana hap kuk pinis, tang bilong mipela hangamap, spet bilong mipela drai, mipela wokobaut long ol skru bilong han na lek i go bek long ol klasrum bilong mipela. Ol bikpela mangi liklik long standat 3 na 4 em klasrum bilong ol i klostu liklik na ol i wokobaut olsem samting olsem 15 minit. Tasol mipela ol liklik standat 2, 1 na prep, em klasrum bilong mipela i longwe na mipela i wokobaut long olsem samting olsem 25 i go long 30 minit. Wesana i brukim stret skin bilong mipela na neks moning mipela olgeta i go long liklik hausik long Pelipowai wantaim ol wankain sua. Dokta boi i mas lap inap wanpela wik olgeta long mipela.

Lukim moa stori neks wik...



Nem: Kenos Pani
 Krismas: 15 (man)
 Adres: C-/ Kilipau Village, P O Box 56, Vanimo, Sandaun Provins
 Save laikim: pilai soka, harim musik na go lotu.

Nem: Jimmy N. Waspi
 Krismas: 17 (man)
 Adres: P O Box 56, Vanimo, Sandaun Provins
 Save laikim: harim musik, raitim pas, wok gaden na lukim TV.

Nem: Ben Kapamai
 Krismas: 20 (man)
 Adres: C-/ Primus Lowun Central Engineering Workshop, Unitech, Private Mail Bag Lae 411, Morobe Provins
 Save laikim: pilai soka, pilai gita, harim musik, ridim buk na go lotu.

Nem: Watson Ara
 Krismas: 24 (man)
 Adres: I.M.D P O Box 102, Kerema, Gulf Provins.
 Save laikim: go lotu, salim maket kaikai na em wanpela singel man.

Nem: Nongs He
 Krismas: 16 (man)
 Adres: P O Box, 56, Vanimo, Sandaun Provins.
 Save laikim: pilai soka, harim musik, raitim pas, go lo tu na go skul.

Nem: Inox Kei
 Krismas: 17 (man)
 Adres: P O Box 56, Vanimo, Sandaun Provins
 Save laikim: pilai soka, harim musik na raitim pas.

Nem: Roger Fau
 Krismas: 19 (man)
 Adres: P O Box Kilipau, Vanimo, Sandaun Provins
 Save laikim: harim musik, pilai soka, ragbi na lukim TV.

Nem: Maths Kei
 Krismas: 15 (man)
 Adres: P O Box 56, Vanimo Sandaun Provins
 Save laikim: go skul, raitim pas, pilai soka na mekim pren.

Nem: Petrus Taitus
 Krismas: 18 (man)
 Adres: Menyamy High School, P O Box 86, Morobe Provins
 Save laikim: raitim pas, mekim fani, ektim drama na mekim pren.

Nem: Desmond Hesai
 Krismas: 25 (man)
 Adres: Skoki Trading P O Box 56, Vanimo
 Save laikim: pilai soka, raitim pas na harim musik.

Raun wantaim Kanage olgeta wik

Dokta Kanage

KANAGE em bilong ples Koiari na em i stap olsem dokta bilong distrik. Wanpela taim wanpla mangi kisim bagarap long malaria na em i go long kisim marasin long liklik klinik.

Kanage lukim pinis mangi na em i tokim em olsem, "eh, mai boi. Yu get the malalia. This i give yu the atameta en yu take it tomorrow and the neks 3 days. But fo nau, I give yu the injeksen. Ok son?"

Boi i paul long tok pisin bilong Dokta Kanage na em i siksti lusim hausik i go bek long haus. Kanage i ting em i pret long kisim sut na i singaut?

"Ah, why yu run boi. This i give yu for yu to get beta. Yu laik tai, orait, maski ko tai."

STRIT MANGI
 MOSBI SITI

Harlo darling

KANAGE bilong ples Goi na em i wok long Tolukuma Gold Main. Taim bilong em long malolo na em i laik kam raun long Mosbi. Na tu em i gat wanpela besti tu save stap long Mosbi. Em i kam pinis long Veimauri na em i laik ringim besti bilong em olsem em i kam pundaun pinis long Mosbi.

Boi kisim mobail tasol na kolim besti bilong em. Em i laik tok pilai tasol long besti bilong em na taim besti i ansa, em i tok, "HARLO DARLIN"

Besti harim tasol nek bilong Kanage na em i save pinis, "Harlo darlin long pens blo yu. Pasim maus na kam baim siks yu tok long baim las yia yet."

IMEKS
 GHU 3B

Sot long koins

Kanage bilong Mekeo na em i dai stret long smuk. Tasol em i gat 40t tasol

long han na smuk em 60t.

Em i kam tasol long anti sama na paitim get na askim long baim smuk. Geit op na em go kam insait tasol long baim smuk.

Anti sama em save pinis long pasim bilong Kanage na em was tasol long haus i stap. Boi hariap tasol na tromoi 40t go daun long tebol na singaut, "Sama, wanpela spia oh." Sama bekim, "wanem spia, rausim 40t blo yu na geraut. Yu ting mi hafi blo yu."



na skulim em long wok. Yu noken tokim mi long pasim maus. Yu tupela les long mi kros, orait, yu tupela i go na painim rot long kaikai na kisim mani!"

P Posou
 Manus

Rais i no kuk yet...

KANAGE i stap wantaim meri bilong em longpela taim nau. Wanpela apinun, meri bilong Kanage i redim pot kaikai na putim long paia. Meri hariap i go waswas bikos em ples i hot. Em tokim Kanage long was long pot kaikai long paia. Em i go waswas na em lus tingting long kisim sop. Em i go bek long haus long kisim sop. Em i go antap long kisim sop na lek bilong em i wel na turangu hariap holim sait long haus. Tasol taul i lus. Kanage lukim olsem na em i opim ai na tok, "Aiyo...., rais i no kuk yet na Ox & Palm op pinis..."

Soulist Raiiozts
 Madang

Kros long beltait

WANPELA moning, papa Kanage go wok long gaden. Em wok i go na hangere kisim em. Em kam bek long haus na meri bilong em skelim kaikai bilong em. Kanage kaikai pinis na em tokim meri na pikinini meri bilong em, "yu tupela i go na karim ol paiawut mi brukim pinis na i stap long gaden". Pikinini meri bilong em les. Papa Kanage belhat na em tokim em, "Yu les long wanem! Bai yu stap tasol olsem! Bihain yu marit, man bilong yu bai mekimsave long yu long dispela kain pasin". Mama harim Kanage hatim pikinini meri na em tokim Kanage, "Inap ya! Maski long kros". Papa Kanage tanim em tokim mama, "Mi gat rait long kros

Ol skwat!
 Salim ol gutpela Kanage tok pilai i kam long:
 Kanage Tok Pilai
 P.O. Box 1982,
 Boroko, NCD
 Port Moresby.
 Bai yu i gat sans long winim "Raitman Kanage" t-siot!

Painim Tok! Raitim daun wanem pani samting yu ting i gutpela insait long babol long poto...

BAI YU WINIM WANPELA WANTOK T-SIOT O LAPLAP!
 Salim i kam long: Pani Toktok Kompetisen, P.O. Box 1982, Boroko, NCD Port Moresby - Sapos mipela i lukim wanem samting yu raitim i gutpela bai yu winim wanpela Wantok T-Siot o laplap na bai mipela i putim i go insait long pepa.
 Nem:..... Adres:.....
 Krismas bilong yu:..... Telepon:.....
 Yu baim Wantok niuspapa long wanem hap:
 (Rot, Maket, Stua).....
 Kitim long hin

Grid of letters for word search puzzle.

Table listing countries and their names in various languages.

Two 9x9 Sudoku puzzles.

Another 9x9 Sudoku puzzle.

Word search puzzle grid.

PAINIM NEM bilong las wik isu...

TORO



BIABIA



KANAGE



TOKWIN...

PNG gems kam gut..

Article about PNG gems and stadium events.

Kendol maket long Erima...

Article about market stalls in Erima.

Sans long ksim pilai long SP Gems 2015

Article about sports events and PNG Gems.

Goroka Tim wokim samting stret...

Article about a team from Goroka.

TV GAID

TV schedule for Nov 30, 2009.

TV schedule for Dec 1, 2009.

TV schedule for Dec 2, 2009.

TV schedule for Dec 2, 2009.

TV schedule for Dec 2, 2009.



Supplement - PNG Visin 2050



Naispela kala na selebresin welkam long PNG Visin 2050

JAMES KILA i raitim

LAUNSING o putimaut bilong Papua Niugini Visin 2050 i lukim naispela kala tru long Trinde, Novemba 18.

Planti tausen manmeri na pikinini i bin bung wantaim long Indipendens Maunten klostu tasol long Palamen Haus long Waigani long Mosbi siti stat long 4-kilok long moning long lukim dispela seremoni.

Ol dispela lain manmeri husat i bin bung long dispela taim i welkam long dispela plen wantaim tumbuna singsing wantaim pairap bilong kundu i kam long 20-pela provins bilong kantri.

Dispela de i bin kamap wantaim mas em ol lain bilong ami, polis na ol CIS i go pas long en wantaim ol sumatin bilong ol skul insait long Nesinol Kapitol Distrik (NCD) na ol PNG Skauts Asosesin.

Insait long dispela moning seremoni i lukim Modereta bilong Yunaited Sios bilong PNG na Solomon Ailans, Rev. Samson Lowa i mekim blessing long PNG Visin 2050.

Rev. Lowa i ridim tok bilong Baibel long Buk bilong Sam, we i tok olsem hatwok i kamap long God na PNG Visin 2050 em wanpela bikpela ples we i gat ol tingting i kam long kain kain ol ogenaisesin na wan wan lain husat i nidim han bilong God long was gut long nesin o kantri long lukim wanpela "smat, gutpela tingting na hepi kantri long 2050".

Deputi Praim Minista, Sir Puka Temu i askim olgeta manmeri long kantri long stap wantaim gutpela tingting na amamas long lukim dispela longpela rot PNG i bin kam long en insait long 34-ya long taim em i kisim independens long 1975.

Sir Puka i tokaut long wanem ol toktok i go pas we Praim Minista Sir Michael Somare i bin givim insait long Visin 2050 we praim minister i tok olsem: "Bihain long 30 krismas, gavman bilong mi i gat strong long sanap na lukluk igo bek long longpela rot mipela i bin kam olsem wanpela yangpela nesin.

"Bikpela samting tru em mipela i putim gut ol level bilong gutpela wok-kamap na mipela i redim gut rot long bihain taim, long lukim olsem gutpela developmen ino ken go nat-ing,"

Na dispela nupela rot, Sir Puka i tok we Praim Minista i tok long en em PNG Visin 2050, we planti ol gutpela tingting insait long dispela plen i bin kam long planti ol gutpela saveman bilong PNG, husat e mol prodak o pikinini bilong Nesin insait long las 34-krismas.

PNG Visin 2050 i bin kamap bihain long wanpela 12-pela lain task fos tim, husat kamapim bikpela wok painimaut long kisim tingting bilong ol pipel insait long kantri insait long 89-pela distrik em fes frem-wok long plen ol i bin traim long en.

"Mi amamas long tokaut olsem dispela PNG Visin 2050 em visin o lukluk bilong ol pipel bilong PNG," Sir Puka i tok.



Dokta Kavanamur igo kisim PNG Visin 2050 insait long bilas bilong Tolai kastom long liklik haus.



Ol yangpela bilas na wokabaut karim Visin 2050 igo long stes long Sir John Guise Stadium. (IMG 8848)



PNG Visin 2050

... "presen bilong Gavman igo long pipel bilong PNG"
Sir Michael i tok

PAPUA Niugini Visin 2050 em bikpela presen tru Gavman i givim igo long pipel bilong Papua Niugini.

Praim Minista Gren Sif Sir Michael Somare i bin tokaut long dispela long Trinde Novemba 18 2009 long taim em i bin launsim o putim kamaut ples klia bikpela buk we i gat plen em "PNG Visin 2050".

Sir Michael i bin givim toktok bilong en long taim bilong launsing long fran long planti tausen manmeri long Sir John Guise Stadium long Mosbi.

Em i tok olsem PNG i mas lukautim na kontrolim wokabaut bilong en igo long bihain taim. Em i tok em i laik long lukim dispela i mas kamap long mekim PNG i gohet gut na ol manmeri i ken amamas long

Praim Minista i tokaut olsem em i laik larim bihain wanpela strongpela plen na misin na 7-pela bikpela pos we i ken lukautim wokabaut bilong gavman plen na wanem kain tingting long draivim developmen insait long narapela 40 yia i kam.

Em i tokaut olsem dispela visin em wanpela bikpela plen tru we 7-pela bikpela pos em bai sanap long en bai lukluk long bringim kamap gutpela ol sevises insait long kantri.

Sir Michael i tok olsem PNG Visin 2050 ino inap kamap sapos ol pipel ino kisim gut na mekim dispela ples i kamap olsem samting bilong ol stret na kamap olsem papa bilong en

insait long sosaiti bilong ol.

Em i tok olsem Dipatmen ov Praim Minista wantaim Nesinol Eksekutiv Kaunsil (NEC) bai lukautim dispela 'visin' na putim gut long haus bilong en na dispela bai kamapim gutpela mak long karimaut ol wok bilong PNG Visin 2050.

Sir Michael i givim toktok igo long Sif Seketeri igo long Gavman long bungim ol lain long pablik sevis long kirap na mekim gut wok bilong ol na bungim salens na liptimapiim ol wok long bungim ol salens i kam. Ol i mas wok long gutpela bilong kantri PNG na wok gut long dispela long-taim plen bilong kantri.

"Nambwan samting tru mi laik tokaut tude, 18th Novemba 2009, olsem de yumi statim wokabaut bilong ol pikinini na tumbuna bilong yum na ol lain i kam bihain," Praim Minista Sir Michael i tok.

Em i tok olsem PNG Visin 2050 em bikpela plen tru insait long dispela taim yumi kisim Konstitusen na 8-Poin Plen long 1975 long sait bilong bringim na lukim wanem wok kantri bilong yumi i wokim," Sir Michael i tok.

Praim Minista i tok PNG Visin 2050 em bikpela lait we bai sain long givim nupela bilip long ol pipel bilong PNG long tude na ol pikinini na ol tumbuna long bihain taim.

"PNG Visin 2050 i soim rot long bihainim long bihain long bringim kantri igo fowat na givim nupela bilip na gutpela tingting bilong ol pipel bilong yumi long kantri," Sir Michael i tok.



Gavana Jenerol Gren Sif Sir Paulias Matane wantaim Praim Minista Gren Sif Sir Michael Somare i soim rispekt long taim bilong prea long launsim PNG Visin 2050. (IMG 9125)



Praim Minista Gren Sif i givim PNG Visin 2050 i go long Sif Seketeri bilong Gavman, Manasupe Zurenuoc. Ol foto: Nicky Bernard. (IMG9077)

PNG Visin 2050 luksave long gutpela divelopmen bilong risoses

JAMES KILA i raitim

DEPUTI Praim Minista, Sir Puka Temu i tokaut olsem PNG Visin 2050 i givim bikpela luksave long ol risoses o bus, graun na wara bilong yumi insait long kantri na wanem ol gutpela rot long yusim ol long bringim gutpela divelopmen na senis long sindaun bilong ol pipel.

Sir Puka i bin givim dispela toktok antap long Independens Maunten long Trinde moning, Novemba 18 2009 long taim bilong moning seremoni long launsim PNG Visin 2050.

Em i tok olsem PNG Visin 2050 ino givim tasol ol plen na tingting bilong lukluk long ol divelopmen salens kantri i mas bungim. Em i givim strong long kamapim gutpeal wok patnasip tu long olgeta level insait long wanem ol sektas na tu wantaim ol divelopmen patnas bilong yumi.

Sir Puka i tok olsem bihain long tim bilong Nesinol Stratejik Plen (NSP) i bin mekim wok painimaut raun long kisim tingting bilong ol manmeri insait long ol 89-pela distrik long kantri, planti ol pipel i bilip olsem gutpela rot long kamapim gutpela wokabaut bilong kantri na bringim gutpela kwaliti sevis i stap long gutpela rot bilong pablik konsaltesin.

Em i tok PNG Visin 2050 i bungim wantaim ol tingting na driman na wanem ol wok em pipel i laikim long kamap long gutpela sindaun bilong ol pikinini na tumbuna bilong yumi long bihain taim.

Sir Puka i givim bikpela luksave tu igo long olgeta lain lidas na ol wanwok bilong em insait long palamen husat i sapatim em long wok strong long kamapim dispela plen.

Deputi Praim Minista i tok olsem long lukim olsem dispela plen i mas wok na karim kaikai, mipela i mas mekim ol pipel bilong yumi senisim sampela tingting bilong ol. Long sait bilong yumi wan wan man o meri, yumi mas lukluk moa long sait bilong divelopmen na promotim gutpela pasin bilong wokim wok kamap na gutpela tingting namel long ol pipel bilong yumi.

Em i tok salens nau em olsem wanem tru bai yumi senisim na strongim ol pipel bilong yumi long ol i ken i gat gutpela tingting na strong long divelopim na wokim gutpela nesin insait long narapela 40-yia.



(Top) Praim Minista Gren Sif Sir Michael Somare i givim plen PNG Visin 2050 igo long Gavana Jenerol, Gren Sif, Sir Paulias Matane

(Right) Sif Seketeri bilong Gavman, Manasupe Zurenuoc i apim igo antap plen PNG Visin 2050 buk



Sir Puka luksave long ol PNG lidas bilong bipo



LIDA husat I go pas long kamapim dispela PNG Visin 2050 na Deputi Praim Minista, Sir Puka Temu I givim luksave bilong em na bilong Gavman igo long ol lidas bilong bipo husat I stretim na redim rot bilong Papua Niugini long kamap olsem nesin.

Insait long toktok bilong en long taim bilong launsim bilong PNG Visin 2050, Sir Puka I soim rispekt na luksave olsem ol dispela strongpela lida long bipo I stretim rot na karim yumi I kam kamap olsem nesin.

“Ol wantok bilong mi na ol frens, long 1973 ol lain papa husat I kamapim PNG olsem kantri I bihainim wanpela driman long luksave long rot yumi ken bihainim long kisim politikol independens, we insait long dispela yumi ken wokim kamap nesin bilong yumi we ol pikinini na tumbuna bilong yumi long bihain taim I ken stap amamas, bel-isi na kamapim gutpela Nesin.

Taim yumi launsim “Papua Niugini Visin 2050” tude em I gutpela long yumi luksave na soim amamas bilong yumi igo long ol lain papa bilong yumi, husat planti ino stap wantaim yumi tude. Ol dispela lain husat ino stap nau em Sir John Guise, leit Sir Paulas Arek, leit Sir Tei Abal, leit Mista Mathias Toliman, leit Sir Albert Maori Kiki na tu long Praim Minista bilong yumi tude Gren Sif Rait Honorabol, Sir Michael Somare, deputi oposisen lida Sir Julius Chan, Sir John Kaputin, Sir Barry Holloway, Mista John Momis na Mista Bernard Narokobi, em ol liklik nau tasol mi kolim.

Ol dispela lain I gat lukluk long bihain taim na strong na I wokabout igo long kamapim dispela Nesin bilong yumi. Mipela olgeta I mas amamas long ol dispela lain Papa na ol bai stap yet insait long histori bilong Nesin bilong yumi. Ol dispela lain tasol I kamap wantaim dispela lukluk igo pas na strong long kamapim Nesin ol Konstitusen o mama lo bilong dispela kantri.

Olsem wanpela yangpela nesin, insait long moa long 30 krismas, mipela I traim hat long holim pas dispela bikpela tingting long konsevesin na sasteinabol divelopmen, na long wan kain taim tu long bihainim stret ol plen bilong taim long sait bilong ekonomik divelopmen. Long putim lek igo insait long bikpela na strongpela wol em wanpela strongpela salens tru.

Rekot bilong yumi long stat long 1975 I bin miks wantaim ol gutpela wok kamap insait long sampela eria na long sampela eria ino bin gat gutpela wok I kamap. Long eria bilong divelopmen, mipela I bin kamap wantaim sampela ol wok plen. Gutpela eksampel em long 1974 na long 1985, lukluk bilong mipela em long long bilong “Stet igo pas long gro bilong mani olsem rot bilong divelopmen”. Namel long 1986 na 1990, Gavman I wokim wanpela mov insait long divelopmen plening taim em I kisim tingting olsem “Stet I helpim long sait bilong gro bilong mani olsem rot bilong divelopmen”. Namel long ol dispela rot em olsem “ekonomik gro em rot bilong strongim gro long stap oltaim.

(Top) Praim Minista Gren Sif Sir Michael Somare wantaim Deputi Praim Minista Sir Puka Temu I sanap wetim PNG Visin 2050 em ol lain I karim I kam.



(Left) Ol soldia bilong PNG Difens Fos I mas na bringim PNG Visin 2050



Praim Minista Gren Sif Sir Michael Somare wantaim Gavana Jenerol Gren Sif Sir Paulias Matane i sindaun na glasim plen PNG Visin 2050 (IMG 9073)

PNG Visin 2050 bai lukim mani kantri kisim i go antap

JAMES KILA i raitim
 ANINIT long PNG Visin 2050 kantri bai i lukim bikpela gro i kamap long sait bilong Gros Domestik Prodak (GDP) stat long neks yia 2010.
 GDP em mani wan wan manmeri long PNG i save kisim long mani PNG i mekim long wan wan yia.
 Dispela em bikpela toktok Praim Minista Gren Sif Sir Michael Somare i bin mekim long taim bilong lausing bilong PNG Visin 2050.
 Sir Michael i tok aninit long dispela plen GDP bilong kantri bai gro stat long K12 bilion stat long neks yia igo bikpela olsem K200-bilion long 2050 taim PNG LNG projek i go strong na wok i kamap.



Praim Minista Sir Michael Somare i givim plen Visin 2050 igo long Sif Seketeri bilong Gavman, Manasupe Zurenuoc (IMG 9105)

projek i kamap orait na ol developmen sekta i mekim gutpela wok aninit long dispela plen.
 Dispela plen i kamap bihain long ol wokman bilong NSP i kisim ol gutpela tingting i kam long planti lain insait long ol taun na ruel eria long PNG long wokim kamap PNG Visin 2050.
 Dispela 60-pes buk i soim

wokabout bilong kantri insait long narapela 40-yia na i soim wanem gutpela lukluk igo pas bilong ol pipel bilong Papua Niugini.
 PNG Visin 2050 i stap wantaim 7-pela strongpela pos ol i kolim long 'pillars'. Ol dispela em:
 Human Capital Development
 Gender, Youth and People Empowerment

Wealth Creation,
 Institutional Development and Service Delivery;
 Security and International relations;
 Environmental Sustainability and Climate Change,
 Spiritual, cultural and community development; and
 Planning, integration and control.
 Praim Minista i tokaut

olsem long kamapim gutpela wok wantaim ol dispela 7-pela pila, PNG inap long yia 2050 i mas bringim kamap planti mani long sait bilong risoses bilong en, mekim ekonomi i gro na gutpela mani i ken helpim sindaun bilong ol pipel insait long kantri.
 Sir Michael i tok olsem dispela plen i mas apim Human Dvelopmen Index mak bilong kantri igo long 50, bikos nau yet kantri i stap long 148-mak namel long ol Yunait-ed Nesin (UN) memba kantri. i mas gat gutpela wok kamap lon sait bilong ol sevises na wok bilong stretim rot na bris na laip bilong manmeri long PNG long stap laip longpela taim i mas go antaim long 57.9 igo 77 krismas.
 Em i tok dispela plen bai givim ofa long fri edukesin na yunivesiti besik edukesin long olgeta pikinini husat inap long go long skul stat long elementri igo Gret 12 na givim 100% skul save long rit na rait long ol bikpela manmeri husat kris-mas bilong ol i antap long 15-yia insait long infomel sekta.
 Papua Niugini mas daunim

tu hevi bilong HIV na AIDs, sik TB, malaria na daunim namba bilong ol lain igo long hausik na tu bringim ol gutpela masin bilong wok long ol bikpela hausik long oraitim ol manmeri na tu bringim hap stendet igo kamap intanesinol na tu bringimap helt kondisen bilong ol helt wokman meri.
 Praim Minista i tok dispela plen i bringim PNG igo long nupela rot o mak bilong ol pipel long hia.
 Sir Michael i tok olsem bihain long 34 yia bihain long indipendens, PNG i goaut liklik long rot long bihainin, tasol dispela plen 2050 bai stretim gen rot long kantri long wok-about.
 Sir Michael i tokaut olsem i gat nid long olgeta manmeri long mekim wok long bringim kamap bikpela human developmen mak (index) bikos nau yet PNG i stap daunbilong yet namel long ol narapela kantri insait long wol.
 Em i tokaut olsem wok kamap bihainim PNG Visin 2050 bai stat long pinis long neks yia na senisim Midium Tem na Dvelopmen Strate.



Ol wokabaut long kamapim PNG Visin 2050

HIA em sampela toktok Siaman bilong Nesinol Task Fos Tim em Profesa David Kavanamur, husat i go pas wantaim tim bilong en long wok hat tru long long bringim kamap dispela plen PNG Visin 2050.

Dokta Kavanamu i tok olsem em i bin bikpela ona na duti bilong em long bihainim tingting bilong Praim Minista wantaim 12-memba tim bilong em long kamapim dispela plen bihain long bikpela wok raun long ol 89-pela distrik insait long kantri long kisim tingting na filings bilong ol manmeri long kamapim dispela bikpela plen bilong kantri PNG Visin 2050.

Long mun Septemba 2009 long taim ol i putim-kamaut Nesinol Stratejik Plen, Praim Minista bin givim wanpela salens long ol manmeri bilong dispela kantri long tingting, plenim na bung-wantaim long developmen bilong Papua Niugini insait long wanpela kain rot we yumi no bin bihainim insait long las 33 ya.

Hia em toktok Profesa Kavanamur:

"Yu bin givim wok igo long Nesinol Plening Komiti we Deputi Praim Minista Honorabol Se Dokta Puka Temu i go pas long en long kamapim ol senis insait long wok insait long operesin na straksa na ol eria long we NSP i ken kamap.

"Long mun Mas 2009, Gavman bilong yu i bin kamapim NSP Task Fos we gutpela saveman bilong Papua Niugini yet i wok wantaim mi olsem siaman. Mipela i bin kisim stia tok long wok wantaim NPC disisen bilong Januəri 2008 long lukluk long ol dispela bikpela samting:

Gutpela Nesinol Stratejik Plen Fremwok;

Gutpela politikol sistem long bringim kamap wok bilong NSP; na Gutpela sistem bilong bringim sevis long sapotim NSP.

Mista Praim Minista, mi amamas long tokim yu olsem bikpela luksave tru insait long dispela wok-raun bilong mipela ol lain bilong Task Fos em taim mipela igo long olgeta hap insait long kantri na tu long liklik ples bilong yu- Karau insait long Is Sepik.

Ol level bilong developmen na stap bilong ol pipel mipela i lukim insait long ol rurel areas. Se i brukim tru lewa bilong mipela. Nesinol Stratejik Plen tim i painimaut na i kisim toktok bilong olgeta ol komyuniti stap long Milen Be igo olgeta long boda long Sandaun na bihainim ol nambis

komyuniti igo long ol Ailan na Hailans en planti ol pipel insait long wan wan haus na haus-lain bilong ol i laikim ol wok i kamap insait long rot na bris, komyunikesin, sosel sevises na moa wok insait long ol gavman sevises.

Maski olsem ol wok-painimaut bilong mipela i sut igo long ol nesinol hevi bikos long ol pundaun na bagarap i kamel long ol sevises insait long ol rural eria we planti bilong ol pipel bilong mipela i stap long en, mi gat strongpela bilip olsem dispela gavman, Se i luksave pinis long wokabaut bilong en insait

hariap na tu putim kamap "Stet ov Imejensi long Pundaun bilong Rurel Sevis aninit long wanpela seksin bilong Mama Lo (Konstitusen) olsem dispela ol strongpela toktok i kam Gavman insait long gutpela o nesinol intares long lukluk igo insait long ol dispela em mi kolim olsem "Bringim Kamap Sevises em Bikpela Samting. Dispela bai nidim bikpela sapot i kam long Pablik Employis Asosesin na Pablik Sevis"

Ol wok long redim ol wok plen long bringim kamap ol masin bilong gavman long bringim sevis em klostu bai pinis long sait bilong ripot

tiv Rifom bilong Se Barry Holloway i helpim ol Gavanas long ol toktok bilong ol long aste.

Nau long moning Task Fos na olgeta dispela ol lain husat i bin stap olsem patna insait long developmen bilong Nesinol Stratejik Plen 2010-2050 inap long nau i amamas en ne soim yu Mista Praim Minista, olsem ol bikpela politikol wok plen i mas kamapim na strongim wok long bringim sevis i kamap ples klia nau.

Ol Gavanas bilong mipela i bin toktok long ol dispela bikpela samting na mi kisim toksave pinis olsem ol resolusin o tok ol i pasin pinis i

Gavman aninit long lukaut bilong Deputi Praim Minista na Nesinol Plening Komiti.

Bikpela wok nau em long kamapim ol gutpela wok long sait bilong lo na edministresin long mekim tri-taia sistem bilong gavman i wok gut bihainim tingting bilong Gavman.

Ol man na meri, taim mipela i kisim dispela salens i kam long Praim Minista, tude mi laik tokaut makim ol membas bilong Task Fos na ol saveman bilong Papua Niugini husat i helpim, mi lai tok olsem Task Fos i redi long go fowat yet.

Task Fos i stap long gutpela graun wantaim yu na Gavman bilong yu long luksave long lukluk igo pas (visen), wanem wok long mekim (misin) na wok-mak (gol) em mak bilong kantri insait long narapela 40-ya wantaim Nesinol Stratejik Plen 2010-2050.

Se, ol Minista, ol Gavana na ol ol lain manmeri long Papua Niugini, long lukim olsem dispela ol wok plen i ken kamap gut aninit long Nesinol Stratejik Plen 2010-2050, mi askim long olgeta sapot i kam long olgeta Gavman ejensi, ol bisnis komyuniti bilong yumi, olgeta stekholdas na ol developmen patnas.

Bikpela singaut tu i go long olgeta meri insait long kantri bilong yumi, husat wok bilong ol long sait bilong politikol gavanens em Somare-Gavman i promotim na strongim long promotim wok bilong ol wantaim ol man insait long kantri.

Bikpela samting tru em olsem Nesinol Gavman i mas givim olgeta kain sapot stati long risoses na mari long mekim wok bihain long dispela plen i kamap na mipela i putimaut.

Mista Praim Minista, taim nesin bilong yumi i kamap, yu bin givim nesin bilong yumi 8-Poin Plen we i gutpela tingting na wok-plen we i lukluk igo pas long yu. Tasol insait long ok yia igo pinis, ating mipela i mas kamapim sampela asua long luksave long dispeal ol plen. Nau yu givim mipela narapela sans long karimaut gut ol wok plen na lukluk i gohet insait long Nesinol Stratejik Plen 20102050.

God bilong yumi bai stap olsem was-man na givim was na strong long yu na Gavman bilong yu long go pas long mipela long luksave long lukluk igo pas (visin), na long wanem wok long mekim (misin) na ol wok-mak (gol) aninit long Nesinol Stratejik Plen 2010-2050 taim mipela i holim han wantaim na wokabaut.



Profesa David Kavanamur i sanap wantaim ol wantok insait long bilas raunim haus we Visin 2050 i stap long en.

long bikpela samting em i kamapim insait long Pablik Sekta Rifom na kamap bilong Nesinol Stratejik Plen Task Fos.

Se, mi amamas long givim ripot olsem Task Fis pasim tingting pinis long givim toktok igo long Gavman olsem:

"Sapos mipela laik kamapi gutpela ol sindaun long bihain taim mipela i mas hariap long kamapim ol gutpela sevis insait long pablik sevis wok fos we nau i stap olsem bikpela samting long bringim sevis. Dispela wok-plen i askim long ol gutpela tingting long kam long planti lain olsem Pablik Employis Asosesin na Pablik Sevis, wantaim tingting long kamapim ol senis insait long lo long bringim kamap ol gutpela senis.

Dispela ol bagarap insait long ol wok long lokal level ino gutpela na bikpela wok mas go insait long en

bilong Nesinol Stratejik Plen Task Fos long neks mun. Mi toktok long ol wok i kamap wantaim Sevis Deliveri Mekanism Model insait long kantri, we wok-traim i kamap long faiv-pela provins em Simbu, Sandaun, Madang, Milne Be na Sentrol.

Ol Man na Meri, wan kain bikpela samting tu em gutpela wok em pinis ino long taim igo pinis long helpim long tok-klia long ol wan wan wok politikis na ol eria bilong lo long kamapim wanpela politikol sistem em mi go pas long en wantaim Deputi bilong mi, Daniel Kapi. Dispela wok i lukluk long Institusinol Developmen na Sevis Deliveri.

Ol wan wan tingting long dispela Ripot we igo wantaim dispela wok em igo pinis long Gavanas Konferens long aste. Mi bilip ripot bilong Mista Kapi na tu bilong Task Fos Ripot bilong Gavman na Edministre-

gutpela na i sapotim posisen yu tokaut long en tude. Dispela em rot long bihainim igo fowat long helpim dispela kantri insait long gutpela minis bilong serim pawa na wok bung wantaim na mekim wok long sait bilong gavman em ol pipel i makim long en (demokresi).

Dispela bai lukim kamap bilong wok insait long politik long tri-taia sistem bilong gavman we luksave long wok bilong "serim ol pawa namel long provinsal na nesinol gavman"

Mista Praim Minista, ol toktok bilong yu i givim gutpela tingting na strongim mipela. Nesinol Stratejik Plen Task Fos bai bihainim ol tingting bilong yu long pinisim ol wok long ol dispela eria we i bagarap na tu wok klostu wantaim Sentrol Ejensi Kodineting Komiti na Dipatmen ov Provinsal na Lokal Level

PNG Vision 2050 - Supplement





LAKIWINA: Nupela BSP Riteil Jenerel Menesa, Frans Koote, i tokaut long nem bilong namba wan wina bilong SMS Benking. Poto: BSP Pablik Rilesens

BSP tokaut long namba wan wina bilong SMS Benking sistem

BENK Saut Pasifik, i no longtaim i go pinis i lon-sim resis bilong winim mani long BSP SMS Benking sistem.

Dispela resis i stat long 17 Novemba, 2009 na bai ron inap long 5-pela wik.

Bikpela dro bai kamap long 24 Desemba, 2009.

Dispela resis i op long olgeta riteil kastoma husat i yusim SMS Benking.

Namba wan 10-pela lain husat i winim K500 em: Wilson Sengi - BSP Kimbe, Roleen Likas - BSP Kavieng, John Spairong - BSP Lae, Leka Arana Leka - BSP Mosbi Moresby, Maro Kari - BSP Mt. Hagen, Nancy Wawana - BSP Kavieng, Jacob Ramoi - BSP Waigani, Peter Omura - BSP Mt. Hagen, Martin Kapi - BSP Mt. Hagen na Janet Ambare - BSP Waigani Drive, Mosbi.

BSP i tok bikpela amamas long yupela!!!

Narapela moa ol wina em benk bai tokaut long tomora Fraide 27 Novemba, 2009.

Bungim olgeta prais wantaim mani mak bilong ol i stap long K50,000.

Dispela resis i stat long 17 Novemba na bai pinis long 24 Disemba, 2009 we BSP i tok i gat 5-pela wik tasol bilong winim dispela ol prais.

Long sans bilong manmeri long winim bikpela namba bilong mani, yusim dispela ol sevis wantaim mobil bilong yu em long Trensferim mani, sekim akaun balens bilong yu, sekim las trensekseksen bilong yu wantaim BSP SMS Benking.

Sapos yu no rejista wantaim BSP SMS Benking yet, orait mekim nau olsem bai yu gat sans bilong winim mani.

Wantaim SMS Benking sistem yu ken benk long wanem hap yu inap benk long em long kain

kain taim na moa yu yusim SMS Benking moa sans yu bai gat long winim sampela mani bilong dispela totel K50,000.

Long olgeta wik bai gat 10-pela wina we Benk bai tokaut long ol wina Novemba 20 na 27 na long 4, 11, 18 na 24 Disemba mani mak bai stap long K5,000.

Sapos yu winim wanpela praise em bai gutpela presen bilong krismas long helpim yu.

Oi wina em BSP bai singautim ol stret long mobil bilong ol bihainim SMS Benking ol i bin benk long em.

Olsem na benk i tok noken abrusim dispela sans. Yusim BSP SMS nau na yu bai gat sans long win.

Moa taim yu yusim SMS Benking moa sans yu bai gat long win

Dispela resis i op long ol BSP Riteil Kastoma husat i yusim BSP SMS Benking sistem.

Ples Baram lainim long lukautim mani na sindaun

Michael Novingu i raitim

Samting olsem tupela ten (20) manmeri long Baram long Madang provins i pinisim skul na kisim setifiket long rot bilong lukautim mani, benking long ples, las wik.

Tisa bilong ol long dispela skul ol i kisim, Ben Sakora, i tok olsem pastaim ol dispela manmeri i no save long rot bilong wokim mani plen, lukautim mani bilong ol, na

wokim benking. Tasol nau, long dispela skul ol i kisim, ol i lainim na save long olgeta dispela wok na i ken kirapim na ronim ol liklik bisnis bilong ol yet.

Lida bilong Baram, Sabeth Wal, i tok olsem long taim kantri i kisim independens i kam inap nau, Baram i no lukim wanpela gutpela senis i kamap long hap bilong ol.

"Mipela i stap wankain olsem bipo. Nogat gavman sevis i kam

long mipela. Mipela i no stap gut," Misis Wal i tok.

Em i tok olsem skul ol i kisim nau bai helpim ol long kirapim ol liklik bisnis long ples na kamapim gutpela sindaun.

Misis Wal i tok tenkyu long Bogia Koperativ Sosaiti long givim benking sevis long ol manmeri long ples na givim skul long ol long ol rot bilong lukautim mani na strongim sindaun bilong ol.

Atoriti pasim Mt Sinivit Main

OL maining inspekta long Mineral Risoses Atoriti (MRA) i pasim wok bilong Maunt Sinivit Gol Main long Is Nu Briten Provin.

Dispela oda em Atoriti i givim long 13 Novemba, 2009 bihainim hevi bilong helt na sefti.

Bikos long ol tok i stap long Maining (Sefti) Ekt, ol toktok bilong hevi i pas long dispela tupela divisen em Atoriti bai i no inap long tokaut.

Dispela oda bilong pasim wok i kamap bihainim wokabaut bilong namba tu Sif Inspekta bilong ol Mains, Lave Michael long Septemba 24.

Long dispela taim Atoriti i luksave long ol hevi i pas long dispela tupela divisen na i tokaut bilong menesmen bilong kampani.

Bihainim saspensen bilong main, menesmen bilong kampani i mekim sampela ol sabmisen long tokaut long ol samting em i bin stretim.

Tasol maski long dispela mains inspekta i lukim dispela ol samting em kampani i traim long stretim long i no stretim olgeta dispela ol hevi.

Atoriti i askim kampani long em i mas stretim olgeta dispela hevi i stap bipo long em i ken givim tok orait long kam-



NOGAT SEFTI: Ol wokman nogat helmet na su bilong putim na wok.

pani i skruim wok bilong em.

Long dispela taim ol-

geta wok bilong main i pas inap long taim kampani i stretim olgeta hevi

aninit long Maining (Sefti) Ekt na Regulesen 1977.

CROSS

Great Gift Ideas...

FOR THIS FESTIVE SEASON

Quality Gift Ideas...
Elegant Pens, Watches, Wallets, Purses...
Visit our showroom today!



Waigani Drive, Port Moresby
Ph: 325 6500 Fax: 325 0302
Email: sales@theodist.com.pg

Down Town, Port Moresby
Ph: 321 5667 Fax: 321 5998
Email: townsales@theodist.com.pg

Milfordhaven Road, Lae City
Ph: 472 5488 Fax: 472 7838
Email: cbaker@global.net.pg





OL PROPOSAL LONG KISIM MANI-HELPIM ANINIT LONG FISERIS PROJEK DEVELOPMEN FAN (PDF)

Nesinol Fiseris Atoriti (NFA) i putimaut invitesin igo long ol saveman na meri bilong pulim pis long solwara na ol lain inlen fres-wara fis famas na ol koporet sosaiti husat i stap insait long wok fiseris developmen long givim ol proposal long 'Projek Developmen Fan (PDF)' bilong 2010 mani-helpim.

Ol mani- helpim insait long PDF fan i kam long tupela (2) rot.

Nambawan hap bilong dispela ol mani-helpim i kam long US Multilateral Fisheris Treaty namel long ol Pasifik Ailan Kantri na Yunaited Stet ov Amerika. Dispela i save larim ol sip we i soim fleg bilong USA i ken ron insait long ol solwara ol i kolim Eksklusiv Ekonomik Zons bilong Pasifik Ailans kantri na Forum Fiseris Ejensi long Honiara, Solomon Ailan. Dispela fan ol i kolim Projek Developmen Fan (PDF).

Namba-tu rot we mani i kam long en em Nesenol Fiseris Atoriti bilong Projek Developmen Fan (PDF) long givim mani-helpim i go long ol projek aninit long Smol na Midium Skeil Bisnis Entaprais.

Long mekim gut wok na ol fans i ken go stret long ol gutpela fiseris projek, ol i kamapim wanpela PDF Staring komiti long menesim Papua Niugini PDF/fan. Dispela komiti bai i lukim olsem ol fans i stap long gutpela menesmen na i ples-klia na ol wok i stap moa klostu long en.

Kategori Wan

A) KOMYUNITI FISERIS SAPOT PROGRAM

Ol Komyuniti Fiseris Program, em ol dispela we bikpela lukiuk bilong en em long ol bikpela komiyuniti i ken kisim helpim. Dispela ino bilong kisim win-mani o profit.

Husat inap long aplai?

Ol komyuniti-bes fiseris asosesin o koporetiv

Wanem wok bilong mani?

Long baim ol samting bilong wok fiseris olsem samting bilong huk, ais-bokis, ol samting bilong yusim long maket na ol samting bilong yusim long ofis wok.

Antap mani-mak long wanpela projek

Twenti Tausen Kina (K20,000.00)

Namba bilong ol Projek we bai kisim Luksave

Ten-pela (10) projek bai kisim mani helpim

Kategori Tu

B) Smol na Midium Skeil Entaprais Sapot

Ol fans we bai go long ol Smol na Midium Skeil Entaprais we bai sapotim na givim sampela liklik mani igo long SME insait long Fiseris Sekta long baim ol kapital o samting long strongim wok operesin bilong bisnis.

Husat inap long aplai?

- 100 % PNG man o meri husat i papa bilong ol SME Kampani
- SME i wok long mekim wok operesin bilong en insait long Fiseris Sekta insait long las 3-pela yia
- SME wantaim 50% hap mani long helpim long mekim wanem wok long kamap

Antap mani mak long wanpela projek

- Fifti tausen Kina (K50,000.00)

Jenerol Kondisen

- Olgeta samting mekim wok yu bai mas i gat invals i kam long lain yu laik baim long ol
- Soim tru hamas mani yu givim sapos em SME sapot projek
- Soim tru gutpela wok na strong long bringim saplai na redim ol ripot bilong projek we mani helpim igo long en.
- Ol lain husat i kisim tok-orait pinis bai kisim 28-de mak long yusim dispela ol mani-helpim
- Ol peimen bilong ol samting bai PDF Staring Komiti i salim igo stet long saplaia.
- Ol fans ino inap peim kos bilong operesin, bekim dinau o lon o sevisim ol dinau.
- Ol dispela aplikesin pepa we ino gat luksave bai igo bek long ol lain husat i aplai.
- Strepela aplikesin bilong ol proposal i mas gat ol dispela samting:

Olgeta Project Identification Document (PID) na Projek Fomulesin Dokumen mas i gat wanpela bisnis plen. Askim ol provinsal fiseris ofis o NFA long ol dispela samting.

Olgeta Proposal mas soim ples klia olsem "PDF Steering Committee" na ol i mas go stret long Nesinol Fiseris Atoriti, P O BOX 2016, Port Moresby, National Capital District, PNG.

Wanem ol askim long PDF proposal i mas go long Ms Waleta Wararu, Eksekutiv Menesa, Provinsal Sapot na Industri Developmen long telefon: 3090483

Olgeta submisen bai kamap long ofis bipo long Disemba 30th 2009

Authorized by

SYLVESTER POKAJAM
Menesing Dairekta

Gutpela stori bilong Morobe Vanila

Bustin Anzu i raitim

OL VANILA fama long Morobe provins bai no inap wari tumas long wei bilong draim vanilla na salim long maket.

Dispela em wok bilong ol lain husait bai baim vanila long en. Wok bilong ol fama em long planim, lukautim, polenetim (maritim) na havestim.

Niugini kopi, ti na Spais (Niugini Coffee, tea and spice) Co Ltd, wanpela liklik han kampani bilong Mainland Holdings (MHL) i laik wok wantaim ol manmeri long ples long kamapim o painim maket bilong ol dispela samting.

Ol nupela bin o fres bin bilong vanila i ken kamapim mani olsem K3.50 long wanpela kil

o na K6 sapos ol i draim gut na kisim i go long ol lain bilong baim vanila.

"Dispela i no mekim sampela senis. Long mekim gutpela mani, i moabeta long salim grin bin," wanpela man Markham i tok.

Jeneral Menesa bilong kopi divisen bilong kampani i tok ol i no laik bai ol fama i draim vanila long ples bilong ol yet, we save kisim olsem 7-8 mun long draim, dispela em longpela taim tumas.

Em i tok kampani i gat bikpela laik

long baim planifolia bin, we i gat bikpela lip na em i askim ol growa bilong Nawaeb, Markham, Menyamy, Bulolo na Huon distrik long kisim ol vanila bilong ol i kam na salim long ol.

Tasol ol narapela ples olsem Kabwum, Wasu na Finschhafen i painim hat long kisim ol vanila bilong ol i go long maket, long wanem, i no gat gutpela rot na ples balus long karim ol samting i go salim.

"Mi laik askim ol growa long lukautim gut vanila gaden bilong ol gut, planim, lukautim, polinetim na havestim, we bai karim planti gutpela bin vanila. Na larim mipela long draim na mekim bin kamap gut," em i tok.

Em i tok dispela kampani tu i gat gutpela wok ekstensen bilong ol long lainim o soim ol growa long kamapim ol gutpela kaikai.

Em i tok tu olsem Mainland em wanpela kampani em i wanpela viles bes kampani na namba wan tingting bilong ol em long helpim ol manmeri long ples long gutpela rot bilong planim kopi na vanila.

"Kwaliti bilong vanila na kopi i gat bikpela luksave long Yurop (Europe) na US maket olsem mipela i laik long strongim dispela na i no laik long bagarapim dispela. Mipela laik helpim long strongim olsem dispela maket em mas stap gut olgeta taim," em i tok.



LUKAUTIM BUSGRAUN! Busgraun i bikpela samting long sapotim laip na olsem manmeri i mas lukautim.

Korapsen, Sivil Sosaiti na Gutpela Gavanens

SAPOS i gat sampela gutpela grup husat i stap long taim atoriti na ol kampani i wok long bagarapim bus em ol Non Gavman Oganaisesen (NGO).

Wanpela bilong dispela ol NGO em Eko Forestri Forum.

Eko Forestri Forum i soim rot olsem busgraun i bikpela samting long laip na olsem mipela olgeta manmeri i mas yusim strong bilong mipela na banisim bagarap bilong em.

Moa yet long taim atoriti i pas wantaim ol kampani long yusim ol rot nogut long katim na bagarapim bus bilong mipela Forum i tokaut olsem dispela i no gutpela pasin.

Dispela em tok bilong Oposisen Lida na Mempa bilong Mosbi

Not Wes Se Mekere Morauta long taim em i givim tok long amamasim 10-pela krismas bilong kamap bilong Eko Forestri Forum.

Dispela amamas i kamap long Crowne Plaza Hotel, Mosbi long 19 Novemba, 2009.

"Yu kempein long ol rot nogut ol atoriti na kampani i yusim long katim diwai na tokaut strong long pasim bilong lukautim busgraun."

"Yu save kisim ol manmeri long ples long wok wantaim yu."

"Yu bin i save kisim Gavman na kampani i go long kot we i lukim ol win kamap long Kamula Doso na Is Awin we wok timba i kamap long em."

"Yu kamapi ol kot long salensim Timba

Pemit Validesen Ekt 2007."

"Yu gat bikpela wok i stap nau long strongim na sapotim stap bilong bus bilong mipela," Se Mekere i tok.

Se Mekere i tok em i no stret long lukim olsem Paim Minista Se Michael long wanpela sait i tok long sapotim stap bilong busgraun na long narapela sait i wok long sapotim ol wok bilong bagarapim busgraun.

Dispela em i no tru. Em soim olsem Paim Minista i wok long pulim lek bilong mipela long stap stret o em i paul long wok.

"Mi amamas long gutpela wok yupela i kamapim na olsem mi bai sapotim yupela long olgeta taim," Se Mekere i tok.



Tim Is Niu Briten (ENB) dart tim husat igo insait long fainol



Wes Niu Briten kisim Brons



TimNCD 400m rana



Olmeribilong karim Ahen kisimmedol

Tim EHP pulapim moa medols aste long bodi bilding

JAMES KILA i raitim

TIM ISTEN Hailans i soim stret strong bilong en long spot bilong bodi bilding long aste long winim planti ol medols long kompetisen we i kamap long Waigani Ats Tieta.

Insait long spots bilong bodi bilding long aste i lukim masol man na meri bilong EHP i soim tru kala bilong ol long winim 5-pela gol medol, 4-pela silva na tupela bronz medol.

Ol meri EHP i soim tru olsem dispela spot em kaikai bilong ol lain Apo

stret taim ol i winim 3-pela gol long helpim ol bois bilong ol insait long kompetisen long PNG Gems.

Dispela resis i putim Tim EHP i go resis klostu klostu wantaim Nesinol Kapitol long namba bilong ol medols ol i winim long PNG Gems. Long medol tali bilong aste i lukim Tim EHP i ron namba tu long NCD, tasol tupela wantaim i stap wantaim wankain namba long gol medol tali.

Long aste apinun, Tim EHP i soim stret pawa bilong em long sait bilong ol meri na man wantaim long winim ol

medol na dispela i mekim ol lain bilong Nokondi kantri i amamas tru.

Long bodi bilding bilong ol meri i lukim wanpela stail meri Serah William i winim gol long 52-kilogrem divisen, na long 57 kilogrem divisen tu i lukim Misa Avefa i winim gol na Prissilla Kale tu i winim gol na Jane Apie i winim gol long 57-kilogrem divisen.

Dispela meri Jane bilong ples Okifu i soim stret olsem em i minim tru bisnis long go pas long ol lain Apo bilong em long winim gol na strongim ol brata tu long winim moa medols bi-

long Tim EHP.

Long kompetisen bilong ol man i lukim tu Tim EHP i soim tru strong bilong ol taim Hoksy Barango i winim bronz medol long 60-kilogrem divisen na long 65-kilogrem divisen i lukim Alphonse Benny i winim silva medol.

Insait long anda 70-kilogrem divisen i lukim Philip Pokaris i winim silva medol na long anda 70-kilogrem divisen i lukim Salen Jim i winim bronz. Long anda-80 kilogrem i lukim Raymond Agisaro i winim gol na long 85-

kilogrem divisen i lukim Peter Dai i winim silva.

Planti ol bikman olsem MP bilong Obura Wonenara na deputi gavana bilong EHP, John Boito i givim bikpela tok amamas tru long ol lain bodi bildas husat i bringim medol tali bilong Tim EHP igo antap.

Em i tok planti ol gem spots i stap yet na i tok olsem ol spotsman meri i mas mekim gut long winim ol medals long karim igo bek long kol-peles Goroka na provins bilong ol bai i amamas.



Ol mangi Wewak i redi long pilai basketbal...



Ol Sepik kam sapot long tim bilong ol...

PNG Gems Poto raun...



Man bilong kisim skoa...



Tim Westen bilong Kiunga sambai long pilai...

Ol MP soim gutpela sapot long PNG Gems

James Kila i raitim

NAMBA 4 PNG Gems long Mosbi i kamap gut tru na i soim tru olsem ol lida bilong kantri husat i makim ol distrik na provins bilong ol igo long lukim pilai na sapotim ol lain spotsmanmeri bilong distrik bilong ol.

Long Sande taim resis bilong pawa-lifting i bin kamap long Sir John Guise Indo Stadium, planti ol MP i bin go sindaun long sait

long lukim ol gems.

Ol membas em Wantok Niuspepa i lukim ol i go sapotim tim bilong ol long PNG Gems long Mande em MP bilong Goroka, Thompson Harokaqveh wantaim MP bilong Obura-Wonenara John Boito.

Gavana bilong NCD, Powes Parkop tu i bin stap long ol lukim ol pilai olsem pawa-lifting na bihain long paralimpik long givim medols long ol spotsman na meri.

Wanpela MP husat i soim tru sapot bilong tim bilong provins em i kam long en em MP bilong Talasea na deputi Spika bilong Palamen, Francis Marus.

Mista Marus i bin stap long lukim spots bilong pawa lifting na givim sapot igo long

Kosa bilong Tim WNB pawa-lifting tim Kumbu Kusue i tok olsem dispela em nambawan taim bilong ol long kam pilai long Mosbi na long winim tupelo gol medal na wanpela bronze em

bikpela samting tru.

Insait long pilai bilong pawa lifting tupela husat i makim Tim WNB long winim gol em John Suluf long 82.5-kilogram divisen, Masalai Wan (gol) long 62-kilogram divisen na wanpela liklik meri Beverly Manuel i winim silva long 52-kilogram divisen bilong ol meri.

Kusue i tok amamas long tim bilong em olsem maski olsem ol i nupela long gem ol i strong yet na pilai long dispela nesinol sempinsip na winim ol dispela medol.



NOMINESEN I OP NAU: Taim bilong luksave long ol namba wan spotmanmeri bilong yumi i kamap gen. Foto: Nicky Bernard

Nominesen bilong SP Spots Awot i op nau ...stat givim nem bilong gutpela spotsman o meri

Siaman bilong PNG Etlits Komisn, Andrew Lepani i tok dispela awot bilong 2010 bai lukim ol lain husat i mekim gutpela wok insait long sait bilong spots long 2009 i kisim luksave bilong ol.

Em i tok makim ol lain husat i go pilai long PNG Gems long Mosbi na ol narapela olsem

Em i askim igo tu long ol nesinol federesin, provinsal spots asosesin na provinsal menesmen tim, midia, spots klab na jenerol pablik long givim nem o nomineit long husat spots man o meri i mekim gut tru insait long 2009 na i makim kantri na lokal tim.

Lepani i tok olsem luksave mas noken go tasol long ol spotsman na meri, em i mas luksave tu long ol kosa, teknikal ofisa na edministreta na ol dispela lain husat i save givim halivim long spots.

Lepani i tok amamas bilong em igo long bikpela sponsa SP Brewery husat i go pas long sponsa long dispela awot moa long planti yia tru. SP Spots Awot em bilong luksave long ol win na gutpela samting ol spots man meri i mekim long bringim nem bilong kantri, spots na lokal asosesin bilong ol na tu

provins bilong ol.

Em i tok dispela awot em bilong olgeta spot, bilong olgeta lain i gat gutpela save long pilai na wanem yia bilong ol. Em bai luksave tu long ol wan wan spots man na meri, ol kosa, teknikal ofisal, spots ripota na ol edministreta.

Dispeal em wanpela rot long amamasim ol dispela lain long go het long mekim gutpela wok long sait bilong spots

Bisnis Developmen Menesa bilong SP Brewery, Reg Monagi i tok olsem ol ofisal nominesin bilong dispela awot bai luksave long ol samting i kamap namel long Janueri 1 na Disemba 31, 2009.

I gat 13-pela kategori long SP Spots Awot bilong 2010.

Dispela em:

- Sportsman of the Year** K4,500;
- Sports Woman of the year** K4,500;
- Team of the Year** K4,500;
- National Performance Award** K4,500;
- Junior Male Athlete of the Year** K3,000;
- Junior Female Athlete of the Year** K3,000;

- Junior Team of the Year** K3,000 (Junia mak em 19-krimas na daunbilol);
- Best Sportsperson with a Disability** K3,000;
- Distinguish Services To Sports** K3,000;
- Coach of the Year** K2,000;
- Sports Administrator of the Year** K2,000;
- Technical Official of the Year** K2,000;
- Sports Reporter of the Year** K2,000

Ol nominesin i ken kam long husat ol lain wantaim ol nesinol spots asosesin, ol wan wan spotsman na meri ol kosa, klab edministretas, spots ofisal, media na ol memba bilong pablik.

Nominesin bai pas long Tunde 31st Mas, 2010.

Sapos yu laik kisim moa infomesin long tems na kondisen bilong SP Spots Awot em yu ken go long PNG Spots Federesin na Olimpik Komiti Inc o ringim ol long telefon 3251411 or 3251449 or fax 3251851 o salim e-mail long jdsiguria@pngsfoc.org.pg. Adres em P. O Box 467, BOROKO, NCD.



Holim strong spirit bilong Gems

TAIM Gems i go het, i no olgeta samting bai ron stret tasol long laik bilong yu. Maski yu stap insait long ol pilai o ol arapela eria bilong Gems, bai gat samting i kamap we i no long laik bilong yu.

Taim dispela kain ol hevi i kamap, em i ken strong moa insait long ol tim bilong yupela. Tasol gutpela na klia tingting i mas stap strong. Maski yu win o yu lus, o sindaun insait long kem bilong yu i no wok stret, dispela taim em i taim we yu bai luksave long bel isi na sindaun gut insait long kem bilong yu.

Askim nau em husat bai sanap na strongim sindaun bilong tim. Yu bai luksave long bipo olsem spirit bilong tim i save pundaun taim i gat ol tingting nogut i kamap. Tingim, yu mas oltaim putim was long ol dispela kain samting.

Tasol pastaim long ol dispela kain hevi i kamap, dispela skul i mas stap oltaim namel long ol opisal na etlit. Em i mas kamap long namba wan de i kam inap long nau.

Olgeta lain insait long tim bai redi long ol hevi i ken kamap long taim bilong Gems. Em bikos wan wan tim memba bai no inap luksave long ol dispela hevi.

Ol pilaia o spotmanmeri yet i ken pundaun long dispela kain ol hevi, we ol i ken lusim ol pilai bilong ol.

Olsem mi tok pinis, stap isi na olgeta lain i mas luksave long ol kain hevi olsem, na helpim ol arapela.

Winim pilai em i no olgeta samting long kamap long kain pilai olsem. I gat ol arapela samting i bikpela moa long dispela kain pilai. Ol dispela samting em yupela i mas toktok strong bai tingting bilong ol pilaia i ken orait, na bel bilong ol i ken sindaun gut. Dispela ol veliu o gutpela samting i mas stap strong long ol yangpela spotmanmeri bai ol i ken karim i go long bihain taim bilong ol.

Wanem samting mi tok pinis, i mas stat long yu olsem wanpela lida manmeri long tim bilong yu. Soim wankain pasin long ol arapela tim memba, na bai bilip i stap strong namel long yupela olgeta.

Yu mas stap isi na stretim ol hevi wantaim klia tingting. Pasin poroman na luksave namel long yu na ol tim memba bilong yu i mas stap strong oltaim.

Amamas wantaim ol tim memba bilong yu bai yupela i noken wari tumas.

Long olgeta samting yupela i mekim, yupela i mas amamas tasol na mekim.

Mista Trukai masol man kam bek

I kam long bek pes

Ol i amamas long lukim ol liklik senta olsem Porgera, Goroka, Kavieng na Kimbe na ol narapela i go insait long dispela strongpela spot bilong weit-lifting.

Em i tok tenkyu tu igo long sponsa bilong em Snax em Lae Bisket Kampani i go pas long en long bringim em i go long Mosbi long stap insait long dispela resis long PNG Gems.

Muganerang i amamas long ol lain wan-pilai bilong em bilong Tim Morobe husat i winim 6-pela medols insait long bodi-bilding resis long PNG Gems long aste.

Narapela wan pilai husat i winim gol em Wilfred Kurua long 85-kilogram division. Ol narapela wan-pilai husat i win em Jorry Anego long 60-kilogram (silva), Martin Temai long 75-kilogram (silva), Londati Miso long 75-kilogram i kisim bronz na Moses Gabi long 80-kilogram (silva).

LAE BISCUIT CO.



WANTOK

SPOTS

LAE BISCUIT CO.



Isu 1842

Wan wik: Fonde, Novemba 26 - Desemba 2 2009.



phones from only **K29**

from **bemobile** stores and all good retail outlets

bemobile toktok moa

Trukai Masol Man kam bek!

Ol PNG gems poto long Pes 37 na 38

James Kila i raitim

FOMA Mista PNG David Mungareng i soim olsem bagaros ya i no lapun yet taim gol medol insait long 70-kilogrem divisen bilong bodi bilding long aste insait long PNG Gems.

Dispela stail mangi bilong ples Sialum long Morobe, Mungareng husat i bin holim taitol olsem Mista PNG long yia 2005 i tokim *Wantok Niuspepa* long aste olsem em i bin stap longpela taim aut long spot na i ting olsem em bai ino inap mekim. Tasol kambek bilong em long PNG Gems i soim olsem maski em lapun tasol em i gat pawa na kik yet.

Em i givim tok amamas bilong em igo long presiden bilong PNG Bodi Bilding, Ronald Haihavu long strongim lukaut na menesmen bilong dispela spot insait long kantri.

Ol narapela foma Mista PNG i bin go givim tok amamas long Mungareng long aste taim *Wantok Niuspepa* i bin bungim ol long Waigani Ats Senta. Ol dispela lain foma Mista PNG husat i amamas

long lukim olsem spot bilong bodi bilding i wok long lukim gutpela divelopmen long kantri na i amamas long lukim moa yangpela man na meri igo insait long dispela naispela gem. Ol foma Mista PNG we i givim tok amamas em foma Saut Pasifik Jack Viyufa (2007), Allan Yegiora (2004) na Imbak Wiape (2008).

Ol dispela gutpela lain spotsman i tokaut olsem long lukluk bilong ol dispela spot bilong bodi bilding i wok long gro insait long PNG bikos planti ol liklik senta i wok long pilai na dispela em gutpela.

Moa long pes 39



MEDOL TALI BILONG 2009 4TH PNG GAMES

DE 6

PROVINS

TOTAL

Posisen	● ● ●			
1 Nesanel Kapitel Distrik	11	9	11	31
2 Isten Hailans	11	9	7	27
3 Morobe	8	9	9	26
4 Sentral	6	2	3	11
5 Is Nu Briten	6	1	0	7
6 Bogenvil	3	6	4	13
7 Wes Nu Briten	3	1	0	4
8 Westen Hailans	2	4	1	7
9 Enga	2	1	0	3
10 Manus	1	2	0	3
11 Madang	1	1	0	2
12 Simbu	1	1	0	2
13 Nu Ailan	0	3	4	7
14 Westen	0	0	2	2
15 Sauten Hailans	0	0	1	1
16 Oro	0	0	1	1
East Sepik	0	0	0	0
Gulf	0	0	0	0
Sandaun	0	0	0	0
Total	55	49	43	147

Mitsubishi FUSO Rosa Bus



Engine upgraded
130 Hp
4 cylinder disel

Dispela em spesol offer wantaim limited units istap lo olgeta hap long kantri



K125,000
draiv awei

Act nau na kam lukim Boroko Motors dealership

offer bai pinis 30th November 2009 or inap stock i pinis

BOROKO MOTORS

PORT MORESBY Ph: 325 5255 LAE Ph: 472 1144 MT HAGEN Ph: 542 1933 RABAU Ph: 982 8193
KIMBE Ph: 983 5035 TABUBIL Ph: 548 9048 MADANG Ph: 852 2659

Email: info@borokomotors.com.pg
Website: www.borokomotors.com.pg

